

2026

Siakwa katka wina
Kakamuk katka kat

Vol 102, No 1

Sabat Baibil Lisinka

Almuk klaska



*Prapit sirpiwina
ingnika wankiba*

Patitara Dawan aisanba
Naiwa kau bansa

BILARA BA

"Prapit sirpiwina inghika wankiba" wania

1. Latwan lakawal Oseas makabanba	5
2. La daukaia yua	10
3. Bilakaikankawal riditakaia	15
4. Dawan kupia pihnika laka wankupiara brikaia	20
5. Joel: Sturi kwakwahkra kasak	26
6. Amos winanka daukiba riditakaia	31
7. Wankupia lakan karnika	36
8. Upla kahwan wina kli bukaia warka	41
9. Yawan patnusa dia daukaiaba	46
10. Dawan ra kulkanka tara yabaiaba	52
11. Aihwawakra Dawan dukiara	57
12. Las pyuara diara takaia naniba	62
13. Malakai las winanka daukanba	67

Sabbath Baibil Lisinka, yu bani stadi takaia dukiara paskan sa, Baibil dia aisi ba kat an Prapit aisinka sin Kau baha purara upla lukanka nani prakras. Text ka naniba prahni aisisa kuhku pali lukan ka lalba kat.

Pyuwa nani walara kau lukan ka ba kler sakaia dukiara buk wala nani ra aisikaikbia wisa. Man nubas kau Baibil stadi munras kainara puram sunra daukaia sma ba, ba apia kaka man tanka brima apia.

Illustrations: RF 123 on front and back covers, p. 25; Map Resources on pp. 4, 46, back cover.

(USPS 005-118), Vol. 102, No. 1, Waupasa katka wina Krismis katka kat 2026. Ulbi sakisa kati yumhpa bani Adventist Serts ka kli raya takaia Asla takan ka ba mita, ai afiska tara nina ba makisa General Conference, Sabat Skulka Baiki sakanka wina.

Copyright © 2026

Ulban ba rait kaba Reformation Herald PubWishing Association, 5240 HolWisns Road, Roanoke, Virginia 24019-5048, U.S.A. Periodical postagepaid at Roanoke, Virginia 24022-9993.

● U.S.A. AND CANADA

Contact: Telephone 1-540-366-9400 * Fax 1-540-366-2814 *
Website: www.sdarm.org *
Email: info@sdarm.org

POSTMASTER, please send address changes to: *Sabbath Bible Lessons*, P.O. Box 132, River stone NSW 2765, Australia.

Ninam: _____

Prias watla: _____

Klas numbika: _____

TA BILA

Ao, yawan prapit sirpi wisa, sakuna sturka aisanka naniba lika sirpi apiasa. Bankra sipsa wiaia bukka naniba lika sirpisa sturi prahni kunhkura aisisa. Sakuna smalkanka naniba lika karnakira palisa Israel luhpia nani dukiara baman apia sakuna yawansin wandukiasa. Sabat Skul stadi tatakrika nani tasba aiskara aisinska baku tnatkara mankan kabia naha kati yumhpa bilkara Jisas kli balbia dukiara riditaki nara.

Prapit sirpi nani smalkankaba isi an swapni apiasa minit kumirasin; dustara plamaiaba asawal taih dakbisa kausin takaskras. "Dawan mita saurkara iwi uplika nanira mayuni ar kulkanka yabras. Diarasut uba painsa bara prilakara sipsa iwikaia wiras. Saura dadaukra sinskara trabil tara aulaba wisa aikupia lakras kaka klala balbiaba wisa." —*The Desire of Ages*, p. 104

"Saurkara iwiuplika nanira Dawan klala blikisa. Ao, kau klala blikras kainara aiprapitka nani blikisa kupia kraukaia an kiama aubaya, sakuna walras an aikupia lakras pyuara diara wala apusa klala blikaia. Upla ailal aisisa dia muni Baibilra ulbansa israel luhpia nani watawanka nani dukiara, pain daukan naniba baman ulban kata kau yamni kaiakan. Sakuna bahawina yawan naiwa lisin lantakaia." —*Testimonies for the Church*, vol. 4, p. 12

"Yawan upla wan raiakara saurka kumi kau barasa kaka an wan wina brinka nina blikisa kaka baha taka gospel sturka yamni smalkankara karnika tikisa. Wan raiakara saurka sirpikumwal pulisa kaka klersa setan kunin wanmuniba tanka. Wan nakra tasba brinka an kukankara mankiba an wark wankanba daukras srinwan laka briba wal setan kristian nanira kunin munisa." —*Ibid.*, vol. 5, p. 53.

Prapit sirpi nani mita Dawan uplika nanira winanka daukisa aihwaki kaia, minit kumira sin sibriaia apia wan raiaka aiska Dawan mihtara mankaia wantabribia dukiara.

"Yawansutra heven ingnika painkira wankan naniba selp wanwinakat baman lukaia apiasa, Naiwa las pyuara upla ailal tiwaiara auya naniba dukiara dia yawan daukisa? Wandara walisa ki naminit yawan las pyuara iwiba? Jisas kli tasbara balaia sainka nanisut takanba yawan nusaki? Heven ingnika wankan nanisut wan pahpaiparasa wan walka nanira wiaia an wan raiaka palira iwaia baku lika wan walbia naniba pain aitanka bribia. Kaisa kau tasbara kaiki kabiara, wan sinska, wan karnika an wan kukanka naniba sut Dawan mihtara mankan kaia." —*Ibid.*, vol. 6, pp. 404.

Spirit Holikira mita sinslaka wankbia staditakaia.

Sabat Skul warkka dadaukra afiska lalka wina

Pas sabat kaliksanka

Handuras apis makaia helpka



Handuras kuntrika lika kwarikasa central america bilara. Yahpikaba brisa 112.492 kilumita, mails ra lakbia lika 43.433 pitka brisa. Lila pasrasa lalma tanira barasa Guatemala, munasait barasa Nicaragua, waupasa tani lika barasa Salvador kuntrika, lalma tanira caribe kabuka barasa. Upla lika 10.8

milian nahara iwisa, bawina 48.7% naniba kiatalik membarska, 41 % kiatalik mapara wi nani daknika, 8% nani lika Dawan ra kasak lukras wisa wala 3% nani lika serts kumirasin aslatakras. Ispail bilaba kau upla ailal aisisa ao bila wala nanisin dakni sirpira aisisa insla warkka lika ailal daukisa.

Adventist kli raya takan daknika balan 1960 mankara wan muihnikum nina Silvestre Cabanillas Peru kuntrikawina an Felipe Garcia lika Argentina kuntrika wina. Mani ailal wark karna takan ba ninkara warkba ailal pawan 2016 mankara yunian apiska bapan, misan lika yumhpa brisa an membars lika 542 narasa an upla bal wankaiki nanilika 700 pitkasa.

Mani ailal luanbara priaswatla nani manasba pat almuk takansa nitsa ripir munaia. Wala nanisin kau maki danhtakras an misankumba apis apu ban warktakisa yawan traikaiki ban saura saura apis brisa an aslatakaia watlasin misaniry skulka kau paki brihtaura waia dukiara, man nanira makabanka daukisa mihtan sakmabawal kau taura warkba brihwaia, upla kau ailal sipkabia kasakka bilaba walan kaia. Baku lika lait ingni tarakum baku bapan kaia Handuras kuntrika bilara. Adventist kli rayatakan daknika sturkaba upla ailal walan kabia.

Moses pyuara Dawan mita adar yaban upla nanira makabia aipresantka nani bribalbia wark pakaia dukiara. Nan wisata: "Israel luhpia nanira wis aipresantka nani bribalbia; uplasut wilinkira, aikupia aiska, baha presantka nani briam kabia." *Impakan Sturka* 25:2. Dawan ra mayunra yabaia an sakripais spiritka brikaiaaba nitpalikan Dawan tentka watla makaia. Tawan uplika nanisut aslatakan uplakumi baku: "Bara upla nani bribalan kata wilinkira aikupia aiskawal aipresantka nani Dawan watla makaia dukiara. *Impakan sturka* 35:21 "

Kaina manaswina man nanira tingkikam sakisa.

Man muihkam an lamkra nani Handuras wina



LATWAN LAKAWAL OSEAS MAKABANBA

WANKUPIARA BRIAIA: "Marit maisakamni kasak lakara, an Dawan ra kakaira takma." *Oseas 2:20.*

"Naiwa, kau Dawan kupia pihnikira an latwan lakawal wan aisisa, kau taim sirpikum wankansa wan mistikka naniba swiaia, maihsa nihkra bilaba wan aisisa, ban kupiam karna brikapara."—*Counsels on Stewardship*, p. 99.

Kau aisikaikaia: *Testimonies for the Church*, vol. 6, pp. 404–410.

Sandi

Krismis kati 28



Baibil aisikaikaia ba: Rut 1-4

1. WINANKA KUM KARNA

a. Dawan prapitka kaia isiapiaba dukiara aisan? *James 5:10.*

"Dawan ai albika wahbi sakan naniba kumisin upla lahlakira diara aikan tani brinani luhpia apiakan; Dawan prapitka naniba an Israel wihtika nani wahbi sakan naniba, tuktanwina trabil ailalku luwiwan, bara aitanitakan Dawan warkkara dimaia."—*The Signs of the Times*, February 19, 1880.

b. Dawan mita Oseas ra diawal prakanka dauki aisan, witin an aiuplika naniwal dukiara? *Oseas 1:1–9; Jirimaya 3:14; 2 Korint 11:2.*

"Baibilra wanmarikisa Dawan an aisertskawal aslika lakaba sin waiknakum aimaia mairinwal marit takiba baku. Dawan an aiuplika aikuki aslatakan pramiskum daukiwal: witin pramistakisa wan Dawanka kaia an taniwalara aiuplika naniba bilawawalra kaia.

"Serts membarska nani tasba tasba kukanka nina bliki aisinska an aikarnikasut bahara mankiba Dawan wal pramistakanba krikanka tara daukisa an aisolka tiwaia lakara brihwisa. Israel luhpia nani raiakara diatakanbawina yawan lisin painkum lantakaiaisa, tasba brinka nina blikan taka Dawan klalka aipurara balanba."—*The Great Controversy*, p. 381.



2. BILAKAIKANKAK STURKA

- a. Dawan, Lâ daukan dukiara aisan ninkara, dia bilakaikanka pramiska yaban? *Oseas 1:10.*

"Dawan lika karnakirasa upla kupia karnaba yaka swapni takaia jû an gentail nanisinbaku, an kasak lalukra nanira aiblingka yabaia pramistakanba yankaia... Prapit Aiseya aisanba baku: Dawan mita wan kiamka swiraskan sat kata, yawan nani lika naiwa Sadam an Gomara baku takan kaiakan.

"Ao, Jû uplika nani nesankum baku witin nani mita Jisas ra ikan an baha taka sakuna jû nani tilara manas barasa waikna an mairin lalukra nani Jisas ra kasak lukisa. Airaiaika aiska Jisas mihtara mankansa. Witin nanira Dawan Spiritka mita maihsanihkra yabisa. Kan aikupia aiskakirawal Dawan bila ulbanka naniba staditakisa aipurasunikira, baku heven ingnika painkira witin nanira yaban tabrisa. Patitara ai almuka nani mita Jisas ra bahki kulkanba dukiara saripali bribanhwisa. Prapit ulbanka naniba nanara witin nani kasak pain aitanka bribanhwisa, an aikupia naniba lilia an tingki lakawal banhwansa. Nahki Jisas ra blikan tasbara balan upla wan saurka taskika nanisutba wina priwansakaia dukiara." — *The Acts of the Apostles*, p. 379.

- b. Apastel Pal, nahki wan aisisa sturi raitba dukiara? *Romanos 9:25–27.*

"Gaspel sturka rait aihwa aikarnika aiskakira smalkbia pyuara Jû nani ailal kasak lukbia Jisas ra Mesaiaikum baku. Pasin mawal baman wilinsa jû naniwal warktakaia; kan tnayara lakiswin bakusa naha nanira Dawan latwanka an kupia pihnika lakabawina. Sakuna witin nanisin Dawan luhpia baku airaitka brisa sturi yamniba walankaia.

"Naiwa tnata pyuara yawan iwinara, Dawan bila sturi yamniba brihwan kaiaa uplamita tnayara lakiswin daknika nanira, Dawan brindaukisa yawan warktakkia jû nani helpkara ani ani kuntrikara kabiasin yaka witin nani walan kaiaa Jisas sturka yamniba." — *Early Writings*, p. 169.

"Jû nani tilara kum kum barasa sin apastel Pal witin kainara ainina Sal brikata bakusa. Aikupia aiskawal wilinkira warktakisaa ao mistikrasa sakuna. Dawan bila tanka tihuka nani ailal aitanka brisa. Witin nani nusa Dawan Lâ ka karnika banba dukiara, Dawan aikarnikawal sipsa witin nanira swaki sakan laka yaban kaia. Bara aisinska kwawan kabia an diara tihura bara naniba nutakan kabiasa." — *Ibid.*, pp. 380, 381.



3 SAURAKIRA NANIRA

- a. Israel luhpia nani kahwankaba tarakan sakuna nahki latwan lakawal Dawan mita winanka daukan?' *Oseas 2:14.*

"Jisas tasbarakan pyuara setan aiwarkka sat sat daukikan upla nanira yaka kasak lukaia apia. Naiwa yawan laspyuara iwinara sin setanka karnapali warktakisa tnatka ailalku aisuliarka aikuki gospel sturka yamniba wihki kuninwal miksmunaia bara upla ailal ao ainina lika kristian brisa sakuna setan suliaraksa. Bansakuna lukaia apiasa Dawan warkkaba kahwan kabia nahki sat kabiasin puraluankabiasa.

"Dawan Spiritkaba tasbawina mahka waiaba bailapalisa. Prari, pasa skwal tara, lisamra, kabu pupukwan, tasba nikban an kau ban diara ailal takisa kumi ainina praki. Tasbara upla sinkira nani plikisa diakan naku diara nani takiba dukiara. Sakuna witin nani nuapiasa baha nanisutlika Jisas kli tasbara balaia baila takiba sainka nanisa. Dawan ensalka walhwal pasa minara alki brinaniba kau swiras Dawan uplika nanira sainba mankbiba kat. Baha ninkara Dawan mita ensal nanira adaryabia pasaba swika krawaia, baha pyuara kau trabil ailal nani tasba purara balankabiasa.

"Dawan prapitka nani kainamanas tnatayuara diara takbia dukiara ulban naniba wantanka bribiasa kaka nutakbia La tara wanpurara aulaba dukiara. Sibrinkira tatatwi kabia wan raiaka dukiara an wan uplika wala nanisin dukiara. Wanpura sunikira yawan nitsa wan saurka naniba dahra saki Dawanra wiaia, an Spirit Holikira mita wan nakra blain bakuba ilingkbia diara naniba wantanka bribia dukiara."— *Testimonies for the Church*, vol. 6, pp. 407, 408.

- b. Israel luhpia nani kahwankan pyuara nahki Dawan mita witin nanira chanswala yaban? *Oseas 2:15; Lawana nani 130:7, 8.*

"Dawan umpira wankaikbia. Wan sinska nakra naniba kwakbia an Spirit batanka layaba wan yukbia bara wandara walbia wan saurka taskika tihuka naniba bara Dawanra padin taki wan nakra laya sakikira ai blisingka makabankabia."— *Ibid.*, pp. 713, 714.

"Nahki sat saurakiraba swapni kabiasin witin dukiara Jisas sipsa diara kum daukaia an swaki sakan laka yabaia. Wan saurka taskika, wihrika uba tarasa wisi ban drinh swapaia apiasa, Jisas taliaba karnika brisa bahasutwina priwansakan kaia."— *Ibid.*, September 3, 1903.



4. KLI RAWIBUAN SPIRITRA

- a. Uplakum aikupia aiska rait aihwa kasak luki ai swakwanka nani dukiara Dawan ra padin takiba nahki iwisa? *Oseas 2:16,17.*

“Baha yuara yangra aiwima (Ishi) tankaba maí waikna, sakuna kauban aiwikama apia (Baali) dawanki. Kan aidul dawanka bahki nani ninaba twisamwina sakamna an sinskamrasin brikama apia bilamra sin kauban aisama apia.” — *Prophets and Kings*, pp. 298, 299.

- b. Spiritra rawi buwaia dukiara prapit aisanba naiwa nahki aimakbia. *Oseas 2:18-20.*

"Naiwa yawan naha tasbara las pyuara iwinara, Dawan aipramiska daukanba kau karna daukan kabiasa aiuplika naniwal." — *Ibid.* p. 299.

"Kau Dawan kupia pihni lakaba bansa pyuara an kau heven tentka watlara Jisas wantawan aisipyuara kaisa wark wankanba aiska daukaia." — *Testimonies for the Church*, vol. 6, p. 405.

- c. Jan an Oseas ulbankara nahki wanwisa naiwa Dawan uplika kum iwanka tnatka? *Oseas 2:23; Jan 1:12*

“Lamamra iwi uplika nani watlara was mariks man wantsmaba swakwi takbia. Yas rawi bubia ai spiritkara an aitanka bribia. Wis tasba tnata balaiba baila pali takanba mita man aisisma. Dawan Spiritka mita aikupia nanira aisabia an sipkabia aidara wali yapanwina rawibuwaia.

“Wark karna taks swapraskira waikna an mairin naniba yabrika rawibuwaia ai spiritka lainkara. Man pali raiakam sturka wis nahki Dawan mita blising ailal maikiba yu banira witinwal kakaira takramba taka mita. Jisas minara yu banira iwi diara ailal lantakismaba dukiarasin wis, Dawan bila holikiraba nahki lisin ailal painkira baraba. Aisas kristian raiakara lilia laka an wan auya pahkaia briba dukiara. Man aisankam an daukankam nani marikmabawal upla ailal aitanka bribia rait Jisas wal kakaira takramba tanka. Sturkam nani nahki liliawal aisismaba an daukankamna naniba mapara upla sip diara aisaia apukabia.” — *Ibid.*, vol. 9, p. 38.



5. KASAK LUKANKA MÂ

- a. Ani uplika aikupia aiska Dawan warkka dauki nani raiakara tiskupali dia kaikbia? Oseas 3:4, 5

"Israel kiamka nani matawalsip kanba witin nani pyu wihka Dawan maparakan, witin nanira pramismunraskan palistain tawankaba kli aimihtara bribia. Tnata pyuarakat, witin nani tringsar baku ban watauki kabia Nesan wala nani tilara. Sakuna prapit Oseas ku Dawan mita pramiskum yaban tasba tnata balbia pyuara witin nanira sipkabia kahwanbawina kli bukan kaia, Jisas kli tasbara balbia pyuara. Oseas 3:4,5. ra ulbansa."

"Prakanka bilawal, prapit Oseas mita Israel kiamka nani matawalsipra marikan Dawan brindaukiba uplasut kahwanbawina kli bukaia aikupia laki ai sertskawal asla takbiasa kaka naha tasbara. Sin Dawan mita Israel luhpia nanira Kenan tasbaia yabataba baku."— *Prophets and Kings*, p. 298.

"Baha yua nanira, Israel kiamka nanira kau yuika takaskanba, Jakob watlawina plapi swakwan naniba Jisas ra aitabaikbia, Israel ra Holikiraba, aikupia aiskakira. Aiseya 10:20. Nesan sut kiamka an twisa aisanka sut: Dawan ra sibrin brin an witinkara mayunra yas; kan awarka balansa La daukaia pyuaba. Aidul nanisutwina tnayara takbia an heven, tasbawal paskan Dawan kara mayunra yaban kabia, kabu an likarma nanisut daukanba. Smalkanka wahra naniwal aiblakwankanbasutwina lanhwi pritakan kabia. Bara idan nanira marikbia Dawan bilawawalra kasak baku an ai Lâ ka Matawalsipba bilawawalra kasak baku an prapit ulbanka nanira kasak luki banhwiba. Param marikan 14:7,12."— *Ibid.*, pp. 299, 300.



MAKABANKA LUAN NANI BA LAKI KAIKS

1. Nahki Dawan aisisa wan saurkara iwiba taka witin panistakiba?
2. Dawan nahki latwankira wanbila kaikiba dukiara Oseas dia aisisa?
3. Dawan mapara saura yaban nanira witin nahki aisisa?
4. Dawan wina wihkara iwi uplika naniba purara dia trabilka tara balbia?
5. Dawan kupia pihnika laka nahki yang raiaki palira sipsna marikaia?



LA DAUKAIA PYUA

WANKUPIARA BRIAIA: "Yang upliki nanisut aisawan kan yangra aikakaira takraskan bamna." *Oseas 4:6*.

"Patitara pyua naniwina ban naiwa yawan kat Dawan Lâ ka krianba taka tasbara iwiuplika nani purara latuban an klala ailal balisa."— *Prophets and Kings*, p. 297.

Kau aisikaikaia: *Testimonies for the Church*, vol. 2, pp. 604–609.

Sandi

Siakwa kati 4



Baibil aisikaikaia ba: 1 Samuel 19-21

1. WATAWI LAKA MANAS

- a. Patitara wina Dawan latwanka lakaba bansa, an dia Oseas ra wisata aisabia, tasbara iwi uplika nani helpka dukiara? *Oseas 4:1*.

"Israel luhpia nani aidulra mayunra yaban Baal an Astoret ra paskan dukia nani karnika tara brisa wisi idan nani tnatkara, baminitkara kau sip Spirit Holikira witin naniwal wark takraskan, setan mita traika kaiki batakan kata."— *Prophets and Kings*, p. 281.

"Kiatalik sertska karna warktakikan pyuara naha tasba aiska lika tihmiawal bakriki bakukan." — J. A. Wylie, *The History of Protestantism*, b. 1, ch. 4.

Baibil Holikiraba upla nanira yabraskan aisaia an serts tauplika nanisin Baibil apukan. Sin parisi nani kaikara kataba baku kiatalik nani mita Baibilra misbara kaikikan aisaurka nani tanka paramra sakiba mita. Dawan Lâ ka holikirabara sauhkan baha ninkara saurka nani sat sat ailal dauki banhwikan. Implikan, lahlara latwan kaikaia, marit laka luha ban waikna an mairinwal asla takaia. Tasba wihtika an kiatalik kingka nani watlabara lika diarakau saurka ailal dauki banhwikan, prikan uplakumi mitasin diara wiaia apukan witin nani diawantba daukikan. Kiatalik lalka tara naniba baha pyuara witin nani saurka kau ailal daukikan, sakuna witin nani mapara aisaiaaba lika pruaia pliki baku kan, maka daiwan tarapali mapara sip burasba baku. Baha taka mani ailal pali Yurupra pawanka apukan. Kan saurka lakaba ailalpali sahwankanba mita.

"Naha tasba aiskana kiatalik kingka nanni mina muhtarakan pyuara diara saurka ailal pali sahwankannba dukiara Dawan mita pat kaina manas prapit Oseas ku yaban ulbankan. Baha sutba lika Dawan bila Holikirabara kulkanka yabaraskan taka mita. *Oseas 4:6,1,2*."— *The Great Controversy*, p. 60.



2. NOA YUARA KAN BAKU

- a. Oseas nahki aisan Dawan nakrara saurapali kaikiba aiuplika nani saurkawal puliba dukiara? *Oseas 4:2; Luk 17:26, 27.*

"Israel luhpia nani kau Asiria ra alba brihwaraskan kainara witin nani ai daukankaba saura palikan Noa yua nanira kataba baku, Dawan ra kulkanka yabras, ailukanka naniba saurka lakara bamankan. Aidul uplika nani ninabliki witin nanisinsat daukikan, dus an daiwan nanira mayunra yabikan, baha taka witin nani aipurara klala ailal Dawan mita blikan balan kata. Setan mita sinska saura dauki banhwan bara ailukanka naniba taski lakara baman tniwikan nesan wala nani daukiba tnatkara."— *Prophets and Kings*, pp. 281, 282.

"Jisas, witin Dawan baku tnata pyuara upla nani nahki kabiaba sut kaikan. Kaikan upla nani aiwina brinka kat baman pliki kabiaba. Naiwa marit lakaba nahkisa? Watawi lakara bamansa pulanka kum baku sin Noa yuara kataba baku? Waikna an mairinwal naiwa brisa an yauhka pat dibus takisa. Lahla dukiara baman wal brisa sakuna raitpali lika latwan kaikras."— *Manuscript Releases*, vol. 7, p. 56.

"Israel luhpia nani tilara marit laka luha waikna an mairinwal brikanba Dawan Lâ ka krikanka tarakan. Baha saurka taka witin nani purara Dawan klalka balan kata. Tausin ailal pruitiwan kata kau Kenan dimras kainara twibiarara."— *A Solemn Appeal*, p. 142.

- b. **Aisas, Dawan Lâ ka krikan taka klala baliba, taniwalara bilawalan taka blisin briba dukiara.** *Oseas 4:3–5; Jan 17:3.*

"Dawan mita Israel luhpia nanira ai Lâ ka yaban bahara bilawali iubia dukiara, baku daukbiasa kaka aiwinatara aisinska kasak yamnira brikabia dukiara. Prura trabilkaba lika Dawan Lâ ka krikan takabamita baldiman."— *Fundamentals of Christian Education*, p. 413.

"Ya uplika Dawan Lâ ka bilawalisa kaka witin airaiaka yamnira iwikabia. Sakuna biawalaia wantapiasa kaka witiin saurka manaba brinkabia an bankaia tiwaia lakara wankabia. Dawan Lâ kara bilawali iwaiaaba ba lika blissing tara an painkira palisa. Naha sika raiabankaia lakaba Dawan Aisa an Jisas ra sin kakaira takaia, Gad luhpia hevenwina upla swaki sakaia dukiara tasbara blikan balanba."— *Ibid.*, p. 376.



3. DAWAM SPIRITKARA KULKANKA YABAIA

- a. **Dia muni yawan aman pali kaikaiaa Dawan wina ingnika wanki nanibara?** *Oseas 4:6.*

"Israel luhpia nanira patitara pyuara Dawan aisan dukia naniba naiwa yawan nanimita kulkanka tara yaban kaia nitpalisa, Dawan mita nanwisata: 'Yang laika kasak an taraba ulbri; sakuna witin nanimita bahki baku kaikan' *Oseas 8:12.* Pris an smasmalkra nanira Dawan naku aisan: 'Upliki nanira sauhkanka laka balan aikakaira takraskanba mita; man nani bahki aikulkram taka yangmitasin pana bahki maikulkamna... Yang laikaba amiatiki banhramba taka yangsin luhpiam nanira ayatikamna'. *Oseas 4:6.*

"Dawan mita kupiakraukanka wankan naniba aimakras kabiasa ki? Taim painkira wankanba bahkira baman yusmunbiaki? Naha tasbara idan nani iwanka tnatka nina blikiba mita nahki kristian nani palira aispiriktara sauhisa bann tiwaia lakarakat brihauyasa. Naiwa kristian nani mita Dawan bilaba bahki kulkisaki Jû nani daukanba baku? Israel nani purara dia klalka balanba lisankumsa yawanra." — *Christ's Object Lessons*, p. 306.

- b. Spirit Holikirara kulkanka yabras taka dia trabilka wanpurara balaia sipa? *Matyu 12:31, 32.*

"Yamni apiasa nanmhpara lukanka briaia, an heven ingnika wankamba mapara saura aisaia. Wandaukanka yamni nanira sauhkisa aniuplika nanmhpara lukanka bribamita, Dawan ra kulkanka yabras an kasaksin lukras. Setan mita nanmhpara luki uplika nanira tawa tawa brihwisa tiwaia lakara, Spirit maparasin aisaia." — *The Desire of Ages*, p. 323.

"Spirit Holikira bak Dawan wan sinskara aisaia an aiwarkka daukisa; anipyuara Spirit Holikira mapara upla aisiba lika setan wina baha lukanka bribalisa, sipkau Dawan aiwarkka dauki kapras. Bara hevenwina ingnika painkira wankikataba daswan takisa bara setan mita tihmia tara upla sinskara bribalisa. Pyu kunhku kumra kau baha uplikaba sipa kristian nina brikaia, sakuna aidaukanka raitpaliba marikankabia trabil nani aipurara balbia pyuara, witinpalisin aidarawalbia nahki setan mita aisinskara kuntrul muniba tanka.

"Muihki an laikra nani naiwa Dawan Spiritka Holikiraba maipaiwisa watawankam lakawina kupiam laki mahka tawi yamni lakara iuma dukiara, Jisas warktara upla helpkara daukanbara kasak luks an bahara kaiks." — *Testimonies for the Church*, vol. 5, p. 634



4. WINANKA KUM AIKUPIA LAKAN NANIRA

- a. Nahki Dawan aisisa kristian ailal daukanka naniba dukiara. Kainara an naiwasin baku? Oseas 4:7–11, 16.

"Naiwa Dawan luhpia nani laspyuara iwinara riditakras banhwisa trabil tara aulaba aiklabi puraluwaia; riditakras airaiaka aiskara klin lakara iwikaiaaba dukiara, an tasba prana an kukanka ailal mita waikna an mairin nani sinska saura daukiba mapara bapi buwaia. Dawan wina war kwalkaba briras bara ridiapiasa saurka ailal setan brihaulaba mapara aiklabi puraluwaia. Kristian manasba ainina baman brisa sakuna aidaukanka naniba idan naniwal bakusa." —*Testimonies for the Church, vol. 2, pp. 446, 447.*

"Ao, kristian ailal Dawan ra kasak lukisa an heven ra waia brindaukisa sakuna tasba brinka an kukanka nanira lihkisa baha taka mita Dawan holikira nakrara yamni kaikras, kan witin nani aiskasut aikupia lakras an aisaurka nanira ban latwan kaikisa, Spirit Holikira mita aiwatawanka nani dukiara aisabia wantapiasa. Kainara idankan pyuara aimistikka nani daukikanba swiras naikat ban daukisa yukwanra, ao witin nani nusa sakuna aikupia lakras baha naniwina aikupia karna daukiba bansa. Dawan Spiritka kau ban witin nanira aisisa bawikira aimistikka naniba mahka swibia an Dawan ra padin takbia dukiaara. Ban ban dia dauki baku aitauro auyasa bara setan mita alba lakara witin nanira brisa. Ao, ainina lika kristian prias dimisa, wark yamni nani kum kum daukisa, tasba kukanka nanira sipsa pawanka ailal brikaia, upla mawanwina lika yukwisa aidaukanka raitpaliba, sakuna Dawan wina lika sip yukrwas." —*Ibid., pp. 447, 448.*

- b. Dawan dia brindaukiba aisas wankupia lakbia dukiara? *Jirimaya 3:14, 15.*

"Dawan mita ai albika mairinku yaban ulban nanira kasak lukras baha taka Dawan wina kau wihkara auyasa. Kuntri ailalra naha trabilkana takisa. Sakuna tiskupali nutakan kabiasa setan nahki serts bilara warktakiba tanka. Naha minitkara Dawan aikupia pihnika lakara kau wihka wanbila kaikisa, sakuna tiskupali baha taimka luankabiasa. Ao, wantilara kum kum barasa ainakra laya saki inikira Dawan ra makabisa Spirit Holikira mita wan sinska nakra kwakbia dukiara" —*Ibid., vol. 5, p. 76.*



5. NAIWA KAU ISTI NITBA

- a. Kli kli saurkara kahwi naniba dia daukaiaa puraluwaia? Oseas 4:7.

"Wan raiakara wandaukanka saurakum, ar saurka kumwal kau puliba taka, gospel sturka yamnira yawan mita karnika tikisa. Idan nani wankaikisa pyuara wanlawaska kikisa an setan mita Dawan swirka paskisa an uplikabara alba baku brisa sinskalukra naniba watawi an taski lakara baman brisa. Sakuna ani kristianka Dawan Spiritkara yu banira airaiaka yabi naniba hevenwina karnika brisa setan traika kaikanka nanira puraluwaia." — *Testimonies for the Church*, vol. 5, p. 53.

"Dawan mita aiuplika naniba tawa tawa tabrisa. Trabil nanik yaban luwisa bahara nutakbia kau aikupiaa taski baraba kaikbia dukiara. Jisas wal impakisa pyuara traika naniba sipsa puraluwaia sakuna yakan lika sipapiasa. Yu banira Dawan mita kau an kau purara wanbrihauyasa sakuna bahara traika kaikanka nani ailalku luwaia nitsa. Bawikira lakaba diarakum tarapalisa wan swapnika naniba nutakaia an Spirit Holikira mihtara aimakaia. Wan sinska lukraba klintakaia nitpalisa watawi laka wanwina brinka an tasba kukanka naniba sutwina. Aniuplika Dawan suliarika takaia wantsa kaka amanpali kaikaiaa ailukanka nani yu banira an minitbanira diaura mankibriba. Kristian manas barasa wilinsa heven suliarika takaia sakuna Dawan mita prubmunuia pyuara brindaukras kli aininara tawisa, kan brindaukras tasbara ainakra manki bribawina hevenra lakaia, aiwina brinka, selp aimayunra plikiba swiaia wantapiasa sin kaikras kaka aidulkum baku bahara kulkanka tara yabisa. Bara Jisas mawan ingnikaba yaban airaiakara takaskras an Spirit Holikirara yaban aikupia bilaba klin daukras. Bilawali lantakaiaba diara tarapalisa, bawan laka, wihka bilakaikaia lakabasin baku. Yu banira Spirit Holikira mihtara aimakaiaa wan sinka kwakbia an kasakka lakara wanbrihwabia dukiara." *Ibid*, vol. 1, p. 187.



MAKABANKA LUAN NANI BA LAKI KAIKS

1. Dia takisa Dawan bilaba yaban wankupiaa iuras pyuara?
2. Marit laka dukiara Baibilra Dawan aisiba nahki tara kulkaiasa?
3. Spirit Holikira mita wan aisisa pyuara walras taim dia takisa?
4. Dia muni Ellen White ulbanka naniba aitanisa stadi takaia?
5. Dia muni kau ban saurka kumwal pulikaia apiasa wan raiakara?



BILAKAIKANKAWAL RIDITAKAIA

WANKUPIARA BRIAIA: "Kaisa klitawi Dawanra balaia; witin wanmihta dakban an wan rakbia; wan insauhkan an kli wilkbia." Oseas 6:1.

"Dawan aimihta sakbi aiuplika nani asladaukisa pyuara sut wilinkira kaiasa warktakaia an gaspel sturka yamniba smalkaia kau walras nani kiamara brihwaia dukiara." *Early Writings*, p. 74.

Kau aisikaikaia: *The Ministry of Healing*, pp. 177–182.

Sandi

Siakwa kati 11



Baibil aisikaikaia ba: 2 Samuel 10-12

1. MISTIK TANKABRIN

- a. Wan daukanka naniba Dawan kupia laka apiasa kaka dia takbia? Oseas 5:4–7; Aiseya 1:11, 15

"Dawan bila kasakkaba mita wandaukanka nani Jisas wal talia wandaukras kaka, yawan lika purataia baman wan nina kristian brisa sin bras bilka bakusa. [Aiseya 1:10-20].

"Dawan Lâ ka kakulkra nanisut amanpali lakikaikbia aidaukanka, ai aisanka, aiwapanka naniba kumisa sapa kan baku apiasa kaka Spirit Holikira bribia apia. Wantilara kau kristian ailal barasa aikupia lukan taski brisa an tasba dukiara lihkisa aitaimeka aiska mankisa luwiwaikira dukia nanira. Diarawalaba aisturka nanira prautlaka, tarapulanka an uba sipkirasin pulisa aiuplikawalara sturi karna aisisa, witin kau pain aidarawalisa. Bahasat kristianka kupia sip Spirit Holikira takaskras. Bahkiman ainina kristian brisa. Kristian wisi wan nina brikumibani aman pali wan daukanka, wan aisanka, wan wapanka naniba laki kaikan kaiasa. Kan baku apiasa kaka gaspel sturka yamnira karnika tikisa.

"Heven aiska mita tasbara iwi uplika nani helpkara warktara daukisa. Gaspel sturka yamni tanka kasak brin kumi bani aiwalka helpkara warktakan kaiasa. Serts baku tasbara wark sat ailal daukbiasin sakuna aiuplikara helpmunras kaka sutba bahkira man takisa. Ao, wark skul watla makaia an sika lainkara warktakaiaaba painsa sakuna wansinskara brikaiaa wan walka helpkara kaia."— *The Review and Herald*, August 4, 1891.



2. TRABIL TILARA BILAKAIKANKA BRIKAIA

- a. Efrain an Juda kiamka nanira dia Dawan maihsapahkankan, trabil tilara dia mistikka takan? Oseas 5:8-14.

"Israel luhpia nani king aimakikan las awarkara tala laiwanka ailal barakan, kau basat pali daukanka kainara apukan, Akab watlara sinbanka daukan pyua nanirakatsin baku apiakan. Mani ailal witin nani Dawan wina wihkarakan, tasba brinka an aidul nani ninablikikan bara nanara pyua aimakan dia ma mankanba krikaia. Dawan mita israel kiamka naniba laitkum baku mankan nesanwala nani tilara sakuna kirtawi Dawan mapara buan an Israel kiamka nani tilarakatsin tarbaiwan laka daukan. Oseas 5:7.

Ta uplika Kumkum aidarawalan witin nani aimistikka taraba traikaikan wapnira aimakaia. Bansakuna Dawan Lâ ka krikanka dauki banhwikanba bankan an aidulra mayunra daukibanhwikan nesan wala nani daukiba tnatkawina lantaki banhwan. Baku lika kau swapni taki banhwankan aikingka lakaba banbrikaia. Ao, witin nani lukikan kau taura pyuabalbja bara wapnira aimakan kabia." — *Prophets and Kings*, pp. 279, 280.

- b. Trabil tilarakan pyuara dia bilakaikanka an maihsanihkra Dawan aisan Oseas ku? Oseas 5:15; 6:1, 2. Nahki naiwa yawanra wanwisa?

"Dawan Lâ ka krakrikra nanira taim ailal yabankan aikupia lakbia dukiara. Kau saurka ailal sahwiki tilara nitka tarakan, Dawan mita ai albika nanik blikan padin an bilakaikankawal." — *Ibid.* pág. 283.

"Wan muihni nanira winanka daukisna japanbawina mahka rawibubia. Wan spiritka lainkara swapnitaki an pruankabia wan uplika walara gaspel sturka yamniba brihwaras kaka. Dia iskiuska yawan aisabia wan uplika wala helpkara diara daukras kaka.

"Kau naha tasbara taim kunhku yawanra wankan nara diara bahki nanira yusmunaia apiasa. Yawan nitsa bawikira wankupia lakaia Spirit Holikira mihtara aimakaia waikna an mairin satwala wandaukbja dukiara. Kumi bani wan raiaka naniba Jisas ra yukukan kaiasa. Tuktan baku yaawan Jisas ra plikbiasa kaka baman lika sipkabia wan uplika wala nani saurkara kaikaia apia. Muihki an laikra nani kaisa swapraskira Dawan wark wankanba daukaia an Jisas mawan ingnikaba wansinskara yaka bankaia yu banira." — *Testimonies for the Church*, vol. 9, pp. 105, 106.



3. PRAMISBA WANKUPIARA BANBRIKAIA

- a. Laspyuara dia pramiska Dawan yabansa ai serts kara, dia muni yawan nitpalisa? Oseas 6:3.

"Naiwa laspyuara yawan iwinara Dawan warkka tara mahka tnata mankaiara Spirit Holikira mita kristian kasak nanira yusmunbia aikarnika aiskawal bara kler kaikankabia hevenwina karnika briba tanka. Li auhi tasbara kauhla daukiba tnatkawal prakansa dus mâ naniba mahka kaka tilbia dukiara. Dawan mita aiprapitka nanik naha takaia kabiaba dukiara kakina manasra pat aisansa. Apostel nani pyuara Dawan ai Spiritka blikan baalan aiwarkka takrikaia dukiara, wark tara an painkira pali daukan kata. Sin Spiritka bansa wantilara tasba tnatakat. Sakuna mahka dus mâ krikaia awarkara.

Naha tasbara mâ krikaia lama palira, Dawan aipramiska munansa Spirit Holikira warkaba tarapali daukankabia aiuplika nanira rididaukbia kau Jisas balras kainara. Dawan ai Spiritka laikankabiaba lika prakanka daukisa li tara auhwanka baku; naha karnika briaia dukiara kristian kumi bani aipurasuni Dawan ra makabankaiasa" — *The Acts of the Apostles*, pp. 54, 55.

- b. **Diakan yawan sip Dawan blisingka sut briras sa?** Oseas 6:4-6..

"Kristian ailal nuapiasa airaiakaba nahki brikiaba tingki laka taimkaba danhtakbia pyuara an Jisas priswihta baku aiwarkkaba tnata wankabiara. Dawan sealka wan sinskara brikiaba lika Jisas wal talia takan kaiasa wan daukanka nanira.

"Kaikri kristian ailal barasa riditakras Spirit Holikira briaia dukiara, trabil ailal wanpurara aulaba aiklabi puraluwaia nitka tara briba. Bahasat uplikaba yukwaia watla apukabia trabil ailal laspyuara balbiara. Kan witin nani ban tanisra mankan riditakaiakanba swisi. Witin nani Spirit briraskan bara Dawan nakrara aitani apiakan iwikaia. Kristian ailal barasa prapit ulbanka nanira kasak lukras an airaiaka klintakras, dia aidaukanka an iwanka tnatkaba kat ban taukisa. Sakuna las siknis saura matlalkahbi pura kum 7 ba balbiakat aidarawalbia mistikrakanba tanka. Sakuna taimba luwiwan kabia. Param marikan 22:11. Dawan mita ai Spiritka holikira blikbia pyuara sipapia kabia wan walkara yabaia. Kristian kumi bani yakan yakan ai daukanka sauraba mapara aiklabi puraluwan kaiasa an Jisas walt alia takan kaiasa ai aisanka, aidaukanka, aiwapanka nanisutra." — *Early Writings*, p. 71.



4. MAYUNRAKUM TASKI

- a. Kristian ailal naiwa ainina baman briba naniba nahkisa? *Oseas 7:2, 7–11, 15.*

- b. **Oseas pyuara wihki naiwa laspyuara wal pakbiasa kaka nahki sin bakusa?** *Oseas 8:1–3; Jirimaya 23:1.*

"Kristian ailal kaikras kaka lika kasakkira bakusa sakuna yukwanra diara ailal saurka daukissa. Dawan Lâ kaba witin nusa sakuna nuapia pulisa, aidul sertska daukanka naniba nina blikisa, baku lika aidaukanka an ai iwankawal Dawan Lâ Kabara karnika tikisa an mapara babura baku takisa. Selp airaiaika an upla wala nanirasin tiwaiara brihwisa.

"Pasin an serts tâuplika nani purara kau Dawan klala blikan kabia, kan witin nani mita sipnanira mahwankanba mita, diara raitba wiras smalkanka wahra kahwan sertska nani nina blikisa. Bakusin waikna an mairin ailal mita ai papika purara kahbia witin nanira smalkraskan tawan. Serts membarska ailal diara raitba nutakan sakuna aipasinka nani diawiba bilawalikan, Dawan laka tara yuara aidara walbia mistikrakan tanka. Sarikira inankabia: «Yang raiaki tiwan bankaiara» baha pyuara kristian ailal aipasinka nanira alki kis kis kalkaia lukanka bribia witin nani smalkanka wahra landaukanba dukiara. Naiwa smalkanka kum nitba lika wan raiaka satwala daukaia Spirit Holikira karnikawal Jisas wal talia takaia wan iwanka, daukanka an wapanka nanisutra. Israel luhpia nani selp raiakam sauhkram. Dawan naha sturka blikansa aiuplika nanira. «Trumpitkum bilamra manks» Yakal baku balbia Dawan watla uplika nani mapara, kan yang laika holikiraba krianba taka .”— *The SDA Bible Commentary [E. G. White Comments]*, vol. 4, p. 1157.

- c. Nahki Israel nani tilara aidulra mayunra bribaldinkan an baha taka diatakan? *Oseas 8:5,6.*

"Israel luhpia nani Dawan Lâ ka krian an aidulra mayunaia wisi altar paski banhwan Betel an Dan pliskara, baha taka witin nani aipurara Dawan klala blikan kata.”— *Prophets and Kings*, p. 285.



5. TAIM SAURA

- a. Dia lisinka wanmarikisa saumuk mâ mankaia an krikaia dukiara? Oseas 8:7; Galisan 6:7, 8.

"Tasbara idan nani mita Dawan Lâ ka holikirabara aiminara taibi kulkanka yabraskan diara bahki kum baku. Kwala dimaiara baman luki banhwisa an lilia briaia yua nanira kulkanka tara yabisa. Pasa ra baku saumuk mâ makan bara nanara skwal aipurara balan kabiasa. Naiwa taim saura yuara yawan iwisa sakuna kau waikna an mairin nani kum kum barasa setan kuninkara kauhras bahasat uplika nani bawikirawal Jisas minara balbiasa kaka padin laka an swaki sakan lakasin yaban kabiasa.

"Kristian ailal ao sapat lika kulkisa wisa sakuna tasbara iwi uplika nani iwanka tnatka nina blikisa an sakripais airiakara daukaia brindaukras witin nanira Dawan mita prubmunankabiasa. Las pyua trabilkaba pat balan wan durka bilarasa, wahma an tiara bakusin sin almuk nanisutra traika kaikan kabiasa. Wan nakra klipin baku wanpurara trabil balbia. Bahara prubwan munbia rait aihwa yawan kasak luki walpara bapansa sapa. Kristian ailal mita patran saura idan nanira yabisa.

"Trabil saura wanbila kaikisa. Dawan aimarikan wan raiakapwal marikan kaiasa wedniskum baku, ani kristianka Dawan helpka plikbia naniba blisin brinkabiasa."— *Testimonies for the Church*, vol. 1, pp. 268–270.

- b. Diakan yawan aitanisa Dawan aisanka nanira aman walaia? Oseas 8:12.

"Dawan aisanka nanira walras kabiasa ki? Kau chans painkira wankiba bahkiran swibia ki? Tasba brinka an idan nani iwanka tnatka nina blikiba taka Dawan Lâ ka holikiraba kulkanka yabras kabia ki? Jû tauplika nani Jisas ra Mesaia baku briraskanba yawan sin baku daukbiasa ki? Israel luhpia nanira dia takanba lisinkum bakusa yawan nanira."— *Christ's Object Lessons*, p. 306.



MAKABANKA LUAN NANI BA LAKI KAIKS

1. Diakan naiwa yawan ingnika Dawan wankan nanibara iwaia?
2. Israel pyuara baku nahki naiwa wan warkkaba wan auya tikisa?
3. Naiwa laspyuara pramis wankanba mita nahki satwala wandaukisa?
4. Dia muni Dawan yakal baku aiuplika nani purara balbia?
5. Nahki raiaki palira nitsna tasba dukia aiwilkanbawina lanhwitakaia?



DAWAN KUPIA PIHNIKA LAKA WANKUPIARA BRIKAIA

WANKUPIARA BRIAIA: "Wals Israel luhpia nani yakan ban tiwi taukisma sakuna helpkamba yangrasa." *Oseas 13:9*.

"Hevenwina ingnika wankiba briras, wankupia kraukankara walras, wanwina brinkara tniwisa, Dawan Lâ ka holikiraba krikisa, bahasat mâ mankiba saurka ailal krian kabia." — *The Great Controversy*, p. 36.

Kau aisikaikaia: *Testimonies for the Church*, vol. 4, pp. 186–213.

Sandi

Siakwa kati 18



Baibil aisikaikaia ba: 1 King 1-2:25

1. WAN WARKKA KAIKAIA YUA

a. Dia maihsapahkanka Dawan wankisa naiwa tnata pyuara? *Oseas 9:7*.

"Muihki man kupiamba Dawan ra yabras sma. Dawan mita talent an sinslaka maikansa bara man diaura yusmunismaba dukiara wiaias sma. Kupiamba Spirit Holikira mihtara mankras bara ninam lika kristian brisma sakuna daukankamwal marikras; ao, pat mani yawan aiskawal (20) purkara serts bilarasma. Heven ingnika painkira ailal brisma, chans ailal maikansa daukankam wapnira mankaia kristian kasak kum baku. Jerusalem dukiara Jisas inanba man raikamra sin baha tilarasa. Man sin baku lamka daukaia yuaba nutakmasa kaka, Dawan wal prilaka brikaiaaba. Sakuna namkrawina nanara yukukansa. Muihki Dawan klalka man puramra balaiaba ridipalisa, kan man saurkawal uba pulismaba mita.

"Muihki wala B man sinlukanka brisma, ao winamkat uba lika kaikrasma. Man nani walsut tasba lilika nanira kau lihkisma Dawan ra mayunra yabaia pliskara. Daukankam, iwankam an wapankam naniba kristian kasak kum apiasa. Heven ingnika painkira maikanbara kulkanka yabras uba purataia baman ninam kristian brisma. Ao, lukisma yu kum kristian kasak takaia sakuna ban tamra aumasa.

"Taura aisari muihnikan man lika Dawan wina kupiam kraukanka blikan naniba walramsa, Spirit Holikira mita maihsanihkra maikibasin. Sakuna walaia bamanba aitani apiasa. Walram dukia naniba alki daukaia nitsma, kan baku apiasa kaka selp winamkat kunin munisma. Serts bilara amen, apia kaka aleluya aisaiaba lika isisa upla wala nani aisiba nina blikan." — *Testimonies for the Church*, vol. 4, pp. 187, 188



2. BATAKAIA KIUKA SAURAPALI

a. Lalukra nanira nahki setan kunin muni sauhki tikisa? Oseas 9:8, 9, 17.

"Upla selp aiwinakat bamanra luki nanira setan mita aialbika brisa, baman sinapia sakuna witin nanira yusmunisa Dawan albika nani smalkanka mapara aisaia lukankanka sat sat bribalisa an serts membars wala nani kupiara namhpa lukanka, brukwaia laka bribalisa kan baku daukisa pyuara gospel sturkara karnika tikisa. An idan nani Dawan ra kasak lukaia kataba nanira yaban baldimras.

"Setan mita kristian luhpia nanira yaban aitimka bahkira baman tikisa kan aisika an yaptika naniba tuktan sirpiwina aitimka mankras ban swisa wahrara pawiaia, bahasat watlabilara aisa an yapti pahpaiarasa wapnira mankaia. Utlabilara unsaban laka, brukwanka tarbaiwan, upla wala nina aisanka, tarapulan laka, tasba brinka nina blikiba kwala dimaia satka naniwal an plun piaia an diaia lakara baman aisinska manki briba mita naiwa tnata pyuara yawan iwinara wan sinska lukra naniba Dawan ra mankaia taimka apusa.

"Utle bilara tuktan naniba walisa aisa an yaptiwal sturi brukwanra aisiba Dawan sertska an albika nani mapara. Baha tuktika nani pawu wahma an tiara takisa pyuara dia utlabilara lantakan, walan an kaikan dukia naniba tnatkara iwisa. Wahma tiara daukanka naniba selp aisika nani mita taski daukisa Spirit Holikira ra chans yabras witin nanira helpmunaia."—*Testimonies for the Church*, vol. 4, pp. 194, 195.

b. Dia palimita Israel luhpia nani kahwi banhwan? Oseas 10:1; *Klismalkanka* 8:11-14.

"Israel luhpia nanira Dawan mita naha tasbara mankan heven ingnikaba nesan wala nanira wiaia sakuna daukraskan. Dawan ra aiauya tiki banhwan an wark yaban kataba daukraskan. Blissing ailal witin nanira yaban sakuna panatawi nesan wala nanira yabraskan. Heven blisingka naniba selp aidukia baku lukan. Nesan wala nanira taski baku kaikan. Ao, Dawan mita witin nanira wisata aidul uplika nani iwanka tnatka nina blikaia apia, an ailuhpia nanira yaka witin naniwal marit takaia apia. Sakuna israel luhpia nanira setan mita yaban saura aitanka bri banhwan kata. Dawan warkka takaia kataba swisi diara wala dauki banhwan. Nesan wala nanira yaka heven Dawan kara kakaira takaia kataba daukraskan. Israel wihtika an priska naniba prias daukaiaba baman aitani lukikan."—*The Acts of the Apostles*, pp. 14, 15.



Baibil aisikaikaia ba: 1 King 5-7

3. MAKABIWALAN, DUSAKUHBAN, RAUSAUHKAN

- a. Dia winanka Dawan daukisa aiuplika nanira? *Oseas 10:12; James 4:8.*

"Serts membarska kumi bani Dawan wal asla warktakaiasa upla solka swaki sakaia dukiara. Naiwa laspyuara yawan iwinara saurkaba sahwan palisa, yawan kumi bani wan pahpaiarasa wan daukankawal marikaia Spirit Holikira karnikawal nahki upla kupia karna an taskiba sipyaba satwala daukaia. Prakankan daukisa tasba karnabawal sakuna plaumunan kaiasa kasakka laka saumukkaba mankaia dukiara. Sasmalkra nani swapaia apia, ban namhparasins luki drinh swapaia apia. Ao, inikira mankiba liliakira makrikan kabiasa. Amiara bribas yakan karnikamra lukaia apia." — *Testimonies for the Church, vol. 6, p. 420.*

- b. Nahki Dawan wanmarikisa ailatwanka laka aiuplika nani kiana karnaba tilakban? *Oseas 11:1–4.*

"Jisas nanara Dawan Aisa mawanra Dawan Aisawal trun kumira iwisa, witin dia naha tasbara upla baku latwankira kanba bansa. Naha tasbara trabil ailal upla wanpurara baliba witin sut kaikisa an aibrinkasa swaki wansakaia. Jisas mihta painkira dusprignira saban kataba nanara blising wankisa aiwatla heven wina. Kristian kumi bani witinra kasak lukiba ban swika tiubia apia trabil ailal baliba taka mita. Upla solka kum Jisas ra bal airaiaika yabiba witin mita mana tarapali gûl dukia baku kulkanka yabisa. Witin wilinkira dusprignira pruan upla swaki sakaia dukiara. Bamita upla kumirasins ban lulki swibia apia witinra kasak luki naniba. Sakuna taibi lika wanmunras kumi bani prisa aisolka Jisas ra yabaia.

"Wan traika kaikanka nanisut tilara Spirit Holikira mita karnika wankisa puraluwaia. Ban yakansins wanswiras traika kaikanka mapara aiklabaia kan Dawan nusa yawan yakan karnika apuba tanka. Jisas mawan ingnikaba yawan walsa ao, wan nakrawal lika kaikras sakuna pyua banira wan lama palirasa an wanwisa sibipara yang manwalsna. Dusprignira mandukiamra pat tara wauhri, traika kaikanka nani sut aiklabi puraluri. Namkra layaba yang nusna diakan inismaba kan yangsin banbaku tasbara katna pyuara inri, nusna trabilkam naniba wihrika tanka. Upla kumisin helpmaimunras kabiasins yang wilinsna helpmaimunaia." — *The Desire of Ages, pp. 480–483.*



4. KAU TAIM RIA WANKAN

- a. Dawan latwanka lakataraba diawal prakisa? *Oseas 11:7-9; Luk 13:6-9.*

"Dawan aiuplika nanira lulki swibia ki, uba saurasa wisi? Wark tara dusprignira daukanba ban bahkira swibia ki? Dawan Aisa mita ai luhpia kumikanba blikan balan upla pliskara pruaia, upla dia klala briaia kanba Jisas puraara kahban, witin lika Dawankan sakuna upla tnatkara tasbara balan swaki wansakaia dukiara.

"Jisas warktara daukanbawal wan marikisa nahki Dawan latwanka taraba upla saurakira nanira. ;Ensai nani laiksa kaikaia!" — *Testimonies to Ministers*, p. 246.

- b. Diamuni Dawan prapit nanira yusmunisa, nahki kahwanwina wanbukakia warkka daukisa? *Oseas 12:10, 13; Amos 3:7.*

"Prapit ulbanka an Jisas pali tasbarakan pyuara aisan smalkanka nanibara yawan kasak lukan kaiaia." — *Prophets and Kings*, p. 327

- c. Israel luhpia nani kahwanka tarara nahki wanmarikisa Dawan ba kasak? *Oseas 13:4–9; 14:1.*

"Trabil nani ailal upla wanpurara baliba setan mita kunin wanmunisa Dawan klala blikisa baku, sakuna baku apia saurka taka mita trabil naniba yawan selp wanpurara bribalisa. Jû nani mita Dawan kupia pihnika lakaba briraskan taka kau Dawan mita witin nanira kauban kankahbi kapraskan. Bara Jû nani mita aisinska lukra karnikaba setanra yaban kuntrul munaia. Jerusalem sauhkan pyuara nahki uplara ikanbawal param marikisa setan warkkaba saura an taskikaba.

"Jisas wal yawan trastara brisa aiwarkka tara daukanba taka naiwa yawan prilaka painkira wan auyapahbrisa. Dawan ensalka nanimita setan suliarika nanira alkitakaskisa ban tasbara sauhkikabia apia dukiara. Upla ailal Dawan bilawalras naniba tingki wiaiasa Dawan ensalka nani mita nahki saurkara alkitakaskiba. Sakuna Dawan kupia pihnika lakaba banbankabia apia pyua aimakbia kau swibia apia saurka an saurakira naniba helpkara. Dawan mita uplara klala yabras kumi bani selp Lâ kara iwan brindauras selp dia wantbakat taukisa bara witin dia mâ mankiba krikisa." — *The Great Controversy*, pp. 35, 36.



5. SRAWISA AR TANGNIKA BRISA

a. Jisas, diawal prakanka daukan Israel luhpia nanira? *Matyu 21:19, 20.*

" Jisas, witin plun daukikan bara kwahdamni dusara balan, mâ brisa kaka piaia. Bakuwal prakansa Jisas tasbara balanba Israel luhpia nanira kaikaia wantkan kasakka lakara iwisa sapa. Dawan mita blissing ailal witin nanira yaban ingnika kum kabiawisi tasbara iwiuplika nani helpkara. Chans painkira heven mita israel nanira yaban upla swaki sakaia helpkara witinwal aslawark takbia dukiara. Dawan Lâ ka holikiraba bilawalan satkata Jisas tasbara balan pyuara wal asla warktakaiaikan. Sakuna aiprautka an tarapulanka lakawal Dawan ra an aiuplika walarasin latwan kaikraskan. Yakan selp aisawan aiwalkara helpmunraskan takamita. Heven ingnika painkira witin nanira yabankanba nesan wala nanira yabraskan. Kwahdamni dusa ai mâ sakraskan taka Jisas mita latuban bara sawan an pruan, baha lika lisinkum Jisas mita disaipil nanira yaban jû uplika naniwal prakanka daukan. Naha wina yawan tasba tnatara iwi uplika nani diara tara lantakaia nitsa."— *The Desire of Ages*, p. 583.

b. Nahki Oseas ai bukka tnatara ulbisa Dawan mita bila kaikanka wankiba an holilakara iubia dukiara? *Oseas 14:4, 5, 8, 9*

"Dus nani pawisa aikarnika brisa Dawan mita li an lapta blikibawal. Sin tnatkara yawan upla wan spiritka lainkara pawaiasa Dawan mita yu banira diara wanki nanibawal. Dus naniba tasbara aiwakia brisa bara karna takisa, yawan sin wan wakiaba Jisas ra brikaiaasa. Dus naniba yu laptika brisa bakusin li an diwas tihmiara iwibawal. Yawan sin Dawan Spiritka Holikirabara wan raiaka aiska yaban kaiaasa. Jisas mawan ingnika yawanwalsa pyuara pawanka ailal wankisa, sin awala unra dus pawiba baku. 'Dawan wankrika plawar mâ baku yawan paubia an wain dusa baku' Malakai 4:2; Oseas 14:5,7." — *Education*, p. 106.



MAKABANKA LUAN NANI BA LAKI KAIKS

1. Dia Dawan yawanwina witin bila kaikisa?
2. Diakan Dawan wantapiasa kristian raiaka purataia bamanba?
3. Nahki baman yawan wankupia taskiba sipsa satwala takaia?
4. Naiwa laspyuara trabil nani aulaba dukiara diaura luki kaiaasna?
5. Nahki yang raiakina blisingkum kaiaasa upla wala helpkara?



JOEL: STRURI KWAKWAHAKRA KASAK

WANKUPIARA BRIAIA: "Saian ra trumpit puhs, upla nanira paius balbia aslatakanka tarakum plun piraskira." *Joel 2:15.*

"Klaut minakum Israel nanira tabrikanba lika sibrinkumkan Lâ krakrikra nanira, sakuna kupia pihni laka an ingnika painkira kumkan bilawawalra nanira."— *Testimonies for the Church*, vol. 6, p. 404.

Kau aisikaikaia: *Testimonies for the Church*, vol. 9, pp. 11 –18.

Sandi

Siakwa kati 25



Baibil aisikaikaia ba: 1 King 16-18

1. KAU NAIKA DUKIA

- a. Dia tasba sauhkanka tara naika takaiaba dukiara Joel aisisa? *Joel 1:10–12, 17–20; Param marikanka 16:8, 9.*

"Siknis saura walhwal balbia pyuara yu laptikara karnika yabia upla nanira ankaia. Upla nanira yu ailaptikawal ankan baku ulbansa param marikan 16:8,9 ra. Baku prapit ulbansa tasbara iwi uplika nani purara diara takaiba dukiara. Tasbara iwi uplika nani saripali kabia kan plun mâ nanisut anki tikanba mita. Dus nanisut amitiwan upla nani lilia brikata sut luwiwan. Dus mâ naniba sut sukwan auhbaia watlarakan naniba. Daiwan patkas nanisut inisa. Daiwan mainkakaira nani saripalisa kan aidaiura nanira plun yabaia diara apu. Awala nanira li sut lawan bara yu laptika karnaba mita twi an inma nanisut anki tikan. Prias nani watlara lawana aiwanikanba nanara inanka baman barakabiasa. Upla pruan naniba ailalkabia, sakuna raitira bikaia sipapia kabia bara ban lulki swibia daiwan pruan baku. Joel 1:10-12, 17-20; Amos 8:3.

"Naha sikniska saura naniba tasba aiskara kabia lika apia, baku takbiasa kaka lika uplasut pruankabia. Sakuna baha klalka balbiabasat kau tasbara iwiuplika nani kaikras kabia. Dawan kupia baiwanka kapkaba laikbia present taimka danh takbia pyuara. Jisas aitalia laikanba taka upla saurakira nanira ban kau taim yabisa aikupia lakbia dukiara. Sakuna ban baku kabia apia, Dawan kupia pihnika lakaba danhtakbia pyuara Spirit Holikira mahka hevenra wabia bara klalaba blikan kabia tasba iwi uplika nani purara."— *The Great Controversy*, pp. 628, 629.



2. NAMINIT DUKIARA AISIAIA

- a. Naiwa diara taki nani dukiara nahki tanka pain briaiasa? *Joel 1:15, 16.*

"Naiwa lastaimkara yawan iwina lika pulaia dukia apiasa uplasutba rawi buankaiasa. Gabamint taura aimaki uplika nani bakusin la dadaukra nani, waikna an mairin skul brin naniba diara tanka pliki kaiki lukikaiki nanibasin... sut aman aidarawalisa diara tara aihkakira takaiba tanka.

"Dawan ensalka nani mita kau wâr nani alki takaskisa, kau Dawan albika nanira Dawan sealka mankrasba kainara, kan wâr nani takbiabawal upla ailal pali pruan kabiasa. Sakuna tiskupali Dawan mita aiensalka nanira adar yabia pasara alki takaskiba swiaia, baha pyuara trabil ailal balan kabiasa.

"Baibil baman kler aisisa diara takaia naniba dukiara, bukwala kumisin apusa. Dawan mita aiprapitka nanik yaban ulbansa tnata yuara diara takaia naniba dukiara, naminit pat yawan distika an binka nani walisa an kaikisa diara nani taki aulaba naha tasbara."— *Education*, pp. 179,180.

- b. Trabil tara aulaba dukiara lalukra baku yawan dia daukaiasa? *Joel 1:14; 2:1, 2.*

"Trabil tara laspyuara aulaba dukiara Dawan mita aiuplika nanira winanka daukisa yapanbawina mahka rawibubia aimawan ingnika plikbia bawikira aikupia laki padin takbia."— *The Great Controversy*, p. 311.

- c. Jisas aimawalra tasbara aulaba dukiara Joel dia aisisa? *Joel 2:3–6.*

"Tiskukan wan nakra naniba yu baiwibara tawikaikan, klaut siksa sirpikum wan mihta bila bakriki pitkakan, yawansut nukan bahaba Jisas aulaba sainka... Kuyudiura kum klautkarakan, tnayakir lika ensal tensausin nani lawana painkira aiwanikan; upla luhpika waikna bahara iwikan. Aitawa minaba pihnikan aipahpaiakan; an ailalra lika kraun ailal brikan. Aiminaba lika pauta klauhwi bakukan; aimihta aihkikara lika saumuk mâ krikaika isparka kum brikan; aimihta smihkara lika trumpit kum brikan. Ainakraba lika pauta klauhwi bakukan bara aiuplika nani tanka lalwina minakat kaikikan. Jisas maparakan nani aiswiratakan."— *Early Writings*, pp. 15, 16.



3. WANWINISA WANKUPIA LAKAIA

- a. Ani uplika aikupia rait aihwa lakan nanira Dawan diawisa? *Joel 2:12, 13; Salmo 34:18.*

"Plunpiras wanpurasunaia dukiara Dawan wanwiba lika purataia dukia baman apia. Wan biara kastigar munaia baman apia, kwala sukra dimi yamhpur wan lalra yakabaia. Aniupliika rait ai saurka taskika dukiara saritakiba witin upla kaikbia dukiara aipurasunras.

"Dawan mita plunpiras wanpurasunbia wibalika wanwinatarara rausauhkaia dukiara apia, wan saurka nani dukiara wisi, sakuna wansaurka taskikaba wandara wali an bawikira lakawal Dawan padinka laka plikaia. Israel luhpia nanira Dawan wisata: 'Kupiam kalwan baku damrawals, kwalkam nani lika kalkpara, Dawan ra kli bal'. *Joel 2:13.*

"Wansaurka naniwina padin briaia dukiara wisi wanlulara ban wihka kwasi latwan ailal bribawal lukaia apiasa heven suliarika nanitilara Dawan wanbribia. Wankupia rait aihwa lakisa kaka Jisas warkka tara daukanbara kasak luki yawan wilintakisa witin aisuliarka takaia, bara Jisas mawan ingnikaba yawanra kabia."— *Thoughts From the Mount of Blessing, p. 87.*

- b. Wan saurka dahra saki wiaiaaba nahki kaiasa? *Matyu 6:6; 1 Jan 1:9.*

"Saurkam naniba dukiara param saki Dawan ra wis. Kupiam lukra nani ban wahra lakaraman tniwiba dukiara wis bara Spirit Holikira mita karnika maikbia wapnira mankaia. Uplikam walara saura munramsa kaka, witinkara pliki padintaks. Ninkara Dawan blisingka makas. Diasmaba kat Dawan ra bal witin mita mairakbia. Trabilkam naniba Dawan kupia pihnika laka trunka mawanra bribal; kumi bani sitnikawina. Diara kumisin yukukpara kan Dawan lika sut nusa. Kupiam kriwan wal balramsa kaka, Spirit Holikira mita karnika maikbia puraluwaia. Baku lika man raiakam paliwal wednis painkira kum aisama an mayunra tara yabran kabia witinkara tihmiawina maisaki ingnira maibribalanba. Dawan lika upla tanka kasak nusa bara la wapni daukisa. Upla walara plikpara witin nani lika manwal baku saurakira an karnika apusa padin maikaia. Jisas baman sipsa prilaka kupiamra maikaia. Ailatwankaba mita ban umpira wankaikisa. Saurka kumisin apusa uba taski mita sip Dawan padin wanmunras kaia."— *Testimonies for the Church, vol. 5, p. 649.*



4. KAU PURARA ULAIA

- a. Serts baku yawan isti dia warkka daukaia nitpalisa? *Joel 2:15-17.*

"Dawan Spiritka Holikira wilinsa warktakaia aniuplika ao kau kasakkira lika apia sakuna yu banira traikaikisa Jisas wal kau talia takaia. Baha uplika aipurasuni ainakra laya saki kira makabiba ban Dawan walras kabia apia, Jisas mawan ingnika witinwal kabia. Sakuna pasinkum aidaukanka naniba an aismalkabawal waras kaka witin aitani apiasa Dawan wedniska kaia, aikupia lakras kau bansa kaka aipurara Dawan klalka balankabiasa."—*Testimonies to Ministers*, p. 143.

"Tasbara iwi uplika nani purara taim saura aulaba yawan kaiki sat kaka, wan raiaka wapnira an kasakka lakara watauki kabia, kaupali serts membarska nani ainina kristian bribanhwiba. Plunpiraskira ainakra laya sakiwal Dawan ra makabaia aidaukanka watawi nanibasutwina sikbi klin daukbia, an yapan lakarabawina rawibuwi wark daukaia yabanba daukbia. Spirit Holikira karnika an sinska laka makabia wandara walaia."—*Testimonies for the Church*, vol. 6, p. 408.

- b. Nahki Dawan wantsa aiuplika kasakkira nani purasunra ansamunaia? *Joel 2:23*

"Setan mita yaban aisuliarka nanira tnatka ailalku traikaikisa Dawan warkkara yaka alkitakaskaia; bansakuna gabamint warkka dadaukra nani tilara kum kum barasa Dawan ra sibrin lukisa witin nanik Dawan ensalka warktakis setan diawantba kat daukaia apia, saurkaba lika kaikras kaka lisamra tara baku aubisa sakuna Dawan ensalka nani ban alki brisa. Gaspel sturka yamni smalkanka mapara nanibara Dawan ensalka mita alki takasbia diara sip daukbia apia, las pyuara karnika tarawal smalkbia pyuara. Upla ailal las awarkara gospel sturka smalkankara kasak luki airaiaka Dawan mihtara mankan kabia.

"Ensai yumhpa smalkankara ensal wala bal aslatakiba karna pali smalkankabia tasba aiskara ingni daukbia. Tasba aiskara brih dimiwan kabiasa karnika tarawal. Adventist warkka takrikan pyuara 1840 wina 1844 karnika tarawal wark daukikan, kuntri ailalra gospel sturka yamni smalkankaba brihwankan. Kuntri kum kumra upla ailal wilintaki wantilara aslatakan bahasat warkkaba lika katalik mapara buata lamkara bakukan 1600 mankara. Bansakuna baja pyuara warkdaukanba satkawina kau purkara laspyuara daukan kabia." —*The Great Controversy*, pp. 610, 611.



5. PRILAKARA IWI UPLIKA

- a. Prapit Joel ulbanka aimakanba dukiara aisas? *Joel 2:28–32.*

"Dawan bilaba man briram kaiasa kasak lukaia baman lika apia sakuna raiakam palira iwaia. Kan baha bilabawal wan laka daukan kabiasa, baha bilara pramis wankansa las pyuara aiuplika nanira visan, an yaprisauhkanka marikaia aikasakka lakara kau paubia an smalkanka wahra nani baraba sutwina wapnira aimakbia dukiara sinbaku."— *Early Writings*, p. 78.

"Lih mairin kati 19, 1780 mankara tasba sturkara ulbansa 'Tihmia yua baku' Moses pyua naniwina bahasat kau tasba aiskara tihmia takraskan sakuna Dawan pat baha dukiara aisankan ai prapitka Joel ku. Baha yuara upla nani rayakan kaikan nani aisankaba kler palisa Dawan sainka tarakum baku, sipsma kau kaikaia Joel ulbanka bukka Testament Almukra. Joel 2:31."— *The Great Controversy*, p. 308.

- b. Tasba uplika nani prilaka bilakaikisa sakuna dia trabilka tara aipurara balbia? *Joel 3:9, 10; 1 Tesalonika 5:3.*

"Naiwa las yuara yawan iwinara nesan naniba praut takansa war tara daukaia. Prapit Daniel ulbanka matawalsip pura kum (11) ra ulbanba sut aimakansa. Tiskupali tasba purara trabil tara balankabiasa."— *Testimonies for the Church*, vol. 9, p. 14.

- c. Tasbara trabil balbia pyuara anirakabia lalukra nani? *Joel 3:16; Lawana nani 91:1–7.*

"Dawan uplika nanipurara naiwa laspyuara trabil saura aulasa. Kan wâr daukaia lukankaba lika nesan nanisut brisa kuntrikum wina kuntri walara riditaki banhwisa raks satka sat sat paski banhwisa. Baha trabilka taraba lika kau basatka pitka naha tasbara takras. Dawan uplika nani lika sip minitkumira sin kitban kabia apiasa, Dawan ensalka nani mita witin nanira main kaiki kabia."— *Ibid.*, p. 17.



MAKABANKA LUAN NANI BA LAKI KAIKS

1. Dia taka tasbara trabil tara balan kabiasa. *Joel 1:15–20?*
2. Jisas kli tasbara balbia pyuara yang nahki kamna?
3. Diakan yawan Dawan minara bawaia nitpalisa?
4. Dawan bila wawalra naniba dia blisingka brinkabia las pyuara?
5. Dia muni yawan unsaban lakaba wina saitra kaiasa?

Pas sabat kaliksanka

Prari, tasba nikban, lisamra
Mita sauhkan uplika nani helpka



Yiniral kampris apiska tarara uplara helpmunaia riditakisa prari, lisamra, tasba nikban an war aiklabi kuntrika nanira kan baku taki pyuara upla ailal aidukia tikisa aimihta bilaman takaskisa bara ainitka tara brisa.

Prari ar lisamra tasba nikban nani mita wan dukia sut sauhkitikan pyuara upla wala kum mita aimihta sakbi help wankisa pyuara wankupiaba lilia pali takisa an tingkika yabisa kan yawan upla baku wandara walisa pana pana help munaia nitka briba trabil wantaibisa pyuara.

Diara walaba kuntri ailal bilara upla umpira nani barasa yu aiska bilara plun taimkum baman pisa, baha tilara siknis sin takisa sakuna Dawan ra kasak lukisa, an bilakaikanka brisa tisku Jisas balbia pyuara aitrabilka nani sutwina pritakan kaia. Witin nanirasin yawan wan mihta sakbi help sirpikum yabaia brinwandaukisa latwan lakawal. Dawan aibilara ulbanba baku: 'Muihki sirpilupia nanira dia kupiam aiska liliakira helpmunramba yang palira aikramsa' Matyu 25:40. Serts baku wan warkkaba gaspel sturka yamni smalkaia baman lika apia sakuna wan daukankawal latwan lakaba marikaia; rau, piarka, skahwa, upla almuk, sikniskira nanira bakusin prari, tasbanikban, lisamra mita sauhkan uplika nanira helpmunaia.

Serts baku wan warkka daukiba mita priaswatla sauhkan nani kli makansa bakusin utla nani lisamra ar pauta mita sauhkan nanisin kli help munansa makaia; upla siknis nanira sika yabaiara helpmunansa, bakusin upla rau, piarka, skahwa nanira plun an kwala yabansa. Ao, diara tara daukisa lika sipwiras, kau diara ailal daukaia brisa apastel nani pyuara kata baku kaia.

Man nani kumi bani kupiamra kanbisa wilin an liliakira mihtam sakbi presantkam mankma lamtwanka laka brismaba marikaia. Naha pas sabat presantkamba nubas diaura auyaba. Dawan mita kau blising ailal maikbia wamtlabilara an raiaka kumi banira sinbaku.

"Dawan sertska baku aslakaiasa wanbilawal baman lika apia sakuna wan daukankawal marikan kaiasa rait aihwa Dawan latwanka laka wankupiara iwiba tanka. Wana uplika wala nanirasin ban lulki swisia apia ai nitka nanira diasipba yabaiasa."—*Counsels on Stewardship*, p. 344.

Na mani rayara Dawan blisingka puramra kabia.

Yiniral kampriskara upla helpkara warktakitawina



AMOS, WINANKA DAUKIBA RIDITAKAIA

WANKUPIARA BRIAIA: "Riditaki banhs Israel luhpia nani Dawankam wal prawaia balaia." Amos 4:12.

"Yawan wan warkkasa uplara smalkaia Dawan Lâ ka bilawalaia dukiara, an Jisas wedniskasin. 'Riditaki bal Dawankam wal prawaia? Amos 4:12. Kupia kraukaiaasa tasbara iwi uplikara "—*Selected Messages*, bk. 2, p. 116.

Kau aisikaikaia: *Testimonies for the Church*, vol. 8, pp. 329–335.

Sandi

Kuswa kati 1



Baibil aisikaikaia ba: 2 King 11-13

1. DAWAN WARKKA DAUKAIA AR APIA?

- a. Damasco, Gaza, Tiro, Edom, Amón, Rabá an Moab nanisut saura daukiba aisi ninkara Israel an Juda mapara Dawan dia aisisa? Amós 2:4-8

-
- b. Dawan nahki aisisa ailatwanka dukiara sakuna bahki kulkisa kaka dia klalka brinkabia? Amós 2:9-16.

-
- c. Dia makabiwalisa Dawan latwankara bahki kulkisa kaka bakusin wan uplika walarasin baku? Amos 3:1-3; *Lawana nani* 11:3..

"Nahki sipsaki upla wanlukanka taskiba aslatakaia Jisas lukanka kasak an holikirabawal? Upla selp wan lukanka kat taukiba lika watawi lakara bamansa diara kasak kumisin bahara apu; sakuna Spirit Holikira mita wan tabrisa pyuara diara wahra, taski an watawi laka dukia nanibasutra taibi brisa an karnika bara sinslaka wankisa Jisas aisanka naniba bila wawalra takaia." — *Testimonies for the Church*, vol. 4, pp. 507, 508.

"Kristian kasak kabiasin sakuna witin aipanika kum idanwal taudisa kaka baha taka witinra sauhkisa an bansin tiwaia lakara brihauyasa." — *Patriarchs and Prophets*, p. 174..



2. PRAPIT ULBANKA AI MÂ SAKBIA

- a. Dia muni prapit ulbanka nanira kulkanka yabaiasa? Amos 3:7, 8.

"Diara ailal sip wantanka brirasba Dawan baman nusa, sakuna anidukia nani param sakanba lika yawan an wanluhpia nanisut bahawina help brinkaiasa naiwa an bankaiara sinbakku...Naha blisingka pramiska barasa aniuplika tankira kulkanka yabiwal Dawan bila staditaki nanira." —*The Desire of Ages*, p. 234.

- b. Israel luhpia nani mita nahki prapira kulkraskan? Amós 4:4-11.

"Dawan ailawankaba Israel luhpia nani purara blikbia sin kayu dusa liura lulkiba baku.

"Dawan mita israel luhpia nanira lulki swiraskan kiama karnakanba tilara, brindaukikan kli witinwal panatakbia. Israel kiingka nani ailal setan mita sinska saura daukan bann watawi lakara baman iwikan aidul uplika naniwal aslataki baha nani daukanka tnatka sauraba lantakan. Dawan mita aima kum an aima walara aiprapitka nani aisankan. Dawan aiprapitka nanik Israel luhpia nanira kauban chans yabikan aidaukannka watawi naniba swisi kli witinra baltaubia dukiara. Prapit Alayas an Ilaisha ku Dawana kiama auban sturka blikan baku sin prapit wala nani Oseas, Amos, an Abdias ku sin Dawan latwankira aisikan. Israel luhpia nani sipwiras kaiakan witin nanira Dawan mita sturi aisaraskan wisi." — *Prophets and Kings*, p. 108.

- c. Amos an Jan tatabra daukan baku nahki yawan sibriras smalkaiasa? Amos 4:12; Matyu 3:1, 2.

"Dawan uplika nani Jisas pat tasbara aulabara kasak lukibaku smalkanka kum brisa uplara wiaia: 'Riditaki banhs Jisas aulabawal prawaia'. Amos 4:12. Wan smalkankaba dairik kaiasa Jan tatabra smalkikataba baku. Upla tara an sirpi nanisutra winanka daukaia sibriraskira aikupia lakbia dukiara.

"Jan tatabra smalkanka baku yawan daukaiasa kaka witin nahki Dawan wal aslananba baku yawan sin kaiasa. Wan spiritka nakrawal Jisas ra kaiki kaiasa, baku lika wanwina Brinda almuk taski watawi naniba sutwina pritakan kaiasa." —*Testimonies for the Church*, vol. 8, pp. 332, 333.



3. SIBRIRAS LUKANKA

- a. Dia muni Dawan kumisa, an dia winanka daukisa bawikira nanira yaabaia? Matyu Amos 4:13; 5:6–9, 14.

- b. Amos naha aisan taka witinra upla nani mita dia munan, dia wankupia kraukisa? Amos 5:10, 15–18.

"Israel luhpia nani aihkika prapit Amos smalkanka walan naniba bahki kulkan an bilasin walraskan." — *Prophets and Kings*, p. 284.

- c. Wan iwanka tnatka dukiara dia wankiama aubanka daukisa? Amos 6:1, 3–7.

"Dawan wark wankanba daukras kaka sol ailal ban tiwaia lakara tawan kabiasa. Wark daukbiasa kaka lika blissing painkira yawanra wankan kabia. Jisas witin aiwatla hevenrakanba swisi tasbara balan yawan upla swaki wansakaia dukiara ao, isi apiakan witin Dawan kanba wina uplatakaia an panis ailal wahwaia an las dusprignira pruaiakanba. Sakuna Jisas wilinkira daukan; tasba kukanka ailal brismaba mita dia amiapah iwismaki? Sol nani helpkara wark daukaia tnayara laki swisi? Man dia kupiam brinka baman nina bliki wataukismaba mita satispais brismaki? Upla ailal solka nani ban tanis tiwaiara auyaba swaki sakaia lukankamra apusa ki? Jisas selp aitaliawal manatara pali aibapan, man wantapiasmaki aiwarkka tilara dimi sol nani helpkara warktakaia.

"Dawan winanka daukisa kristian ailal nani aiserkara pain iwi banhwiba aiwarkka daukaia. Dawan winankaba walrasma ki? Jisas nitsa warktatakra kasak nani ainslara warktakaia. Ao, isilika kabia apia kan waihlra sauraba wantraika ailal bribalisa sakuna bahasut tilara Dawan ban yakan wanswiras aimihta karnikaba yawan naniwalsa tihmiara an kaknarasin baku. Bawikira Dawan bilawaliba mita karnika, maihsanihkra an bilakaikanka wankansa; sakuna aniuplika warktakaia wantapia naniba Jisas pramiska painkira bribia apiasa. Ao, yakan wankarnikawal daukbia lika wanwiras heven wina sinslaka wankaia wilinsa yawan wanminara bui warkwankanba daukbiasa kaka. Jisas mita wanwibia wark kasak daukram ba mita baldims Dawan kam liliakara." — *Testimonies for the Church*, vol. 4, p. 76.



4. JÛ NANI KINGKA

- a. Amos ra Dawan win sturkaba nahki Amasias aidul priska mita yamni kaikraskan? Amos 7:10-13.

"Dawan prapitka nani aisan sturkaba lika lukanka saurakira nanibawina satwalakan bansakuna Betel tawankawina aidulra mayuni Priska kum mita israel wihtikara ulbi naku wisata: 'Amos man mampara saura daukaia wisi ninamra aisisa israel luhpia nani kiamka tilara; upla nani sip baha aisanka nani kauban stanmuni kapras'. Amos 7:10." — *Prophets and Kings*, p. 284.

"Pyu kunhku bilara Jeroboam II kingka laka pyuara diara daukraskan kaikras kaka pawan ailal brikan an war ailal wentakibalan; sakuna kupia karnira nani ailukanka taskiba chenstakraskan kauban aidul nina bliki banhwikan Dawan bilawalras saurka lakara baman iwibanhwikan bara las wisata: 'Jeroboam ba surd malikara prubia, Israel luhpia nanira alba brihwan kabia' Amos 7:11 .

"Naha prapit aisankara King Jeroboam bahki kulkan an Israael luhpia nani kauban aisaurkara iwiki an aikupia lakras." — *Ibid.*, p. 286.

- b. Nahki Amos sibiras Amasias aisanka mapara buan, Amos aisanka nahki aimakan? Amos 7:14-17; Kronika 5:25, 26.

"Israel kiamka nani purara Dawan ainklalka blikan balan kata dia prapit nani aisankankat. Jeroboam kingka laka lika tawa tawa kahwan.

"Asiria kingka nina Tiglat-pilisir aisuldiarka aikuki balan israel luhpia kiamka nanira alki alba baku brihwan Jordan awalka lalma tani unra iwi banhwikanba galali tawankara. Bakusin Ruben kiamka nani, Gad kiamka nani an Manases kiamka bakrikan naniba, kauban Galaad ra uplawala nani iwiki anbasin an Neptali kiamsut 1 Kronika 5:26; 2 King 15:29. Baiki saki banhwan palistanwina wihkara.

"Israel kingka naha kahwanka tara aipurara balanbawina klisip buraskan. Kiamka dakni sirpikum kau Dawan ra kasak lukikan naniba gabamint sirpi bakukan karnika lika apu."— *Ibid.*, p. 287.

- c. Kristianikum ainina baman briba daukanka Dawan bahara kaikras lukisa pyuara, dia wansinskara kaiasa? Amos 8:1–7; Hibru nani 4:12.
-



5. TASBA STURKARA PLUNTIWAN KAU TARA KABIABA

a. Spirit pata tiwanka tara naika takbiaba dukiara aisas? Amos 8:3, 11, 12.

"Tasbara iwiuplika naniba pruitiwisa gospel sturka walrasba taka mita. Dawan bilaba plun baku pin daukisa. Smasmalkra wiria baman rait aihwa bila kasakba smalkisa." *Christ's Object Lessons*, p. 228.

"Amos 8:3 ra siknis saura dukiara aisiba lika Param marikan 16 aisiba walbakusa. Siknis saura balankabiaba lika tasba aiskara apia kabia, baku takbiasa kaka lika uplasut ikitikan kabia, sikniska lika klala saura kabia kau basat tasbara takras." — *The Great Controversy*, pp. 628, 629.

"Naiwa upla ailal Dawan bilaba bahki kulkiba tiskupali witin nani mita plikitaubkia kabu kumwina kabu walakat, lalmawina munakat sakuna sakbia apia. Ensalba wisata: 'Tasbara iwiuplika nani purara pluntiwan tara balansa; plum aihwa lika apia sakuna Dawan bilaba walaia'. Upla lahlakira nani wantkabia ailahlila sut yabaia Dawan bilaba atki briaia dukiara sakuna sakbia apia. Naiwa taim painkira brisa sakuna bahkira man yusmunisa utla makisa, bisnis ailal daukisa kau ailahlila tara pakaia lukanka brisa, lilia briaia, kwala pain atki dimaia, pliswala nanira kirhbanka daukiwaia ban ban. Sakuna hevenra waia lika riditakras.

"Uplasaurakira nani purara siknis sauraba balan pyuara aikupia baikanka tarapali daukan. Kan sikniska naniba latwan palikan. Aisa nani mita ailuhpia nanira patka kahban an luhpia nani mita ai aisa nani purara patka kahban kata. Utla bilara bakusin tawan bilara inanka naniba tara palikan. Upla kum mita walara patka kahbikan ban aisikan: Yang kristian takaia want kapri sakuna man nani tamka kauban idan lakara iwikapri taka naiwa purira Dawan klalka balan. Yang kristian takrisat kata naha klalka briaina apiakan. Kahwan sertska nani membarska nani mita aipasinka nani mapara bubia, ban aisi wibia: man nani sturi raitba smalkras kapram taka naha sikniska yang nani purira balansa. Sakuna baha nani pasinka kuninkira purarasin klala kau aima matawalsip taim karna blikan kabiasa." — *Early Writings*, pp. 281, 282.



MAKABANKA LUAN NANI BA LAKI KAIKS

1. Kupia kumi lakara iwaiaba dia paliba nitsa?
2. Nahki yang setan albika lakawina pritakaia nitsna?
3. Dia muni Amos mita israel luhpia nani iwankara yamni kaikraskan?
4. Dawan mita wankiama aubanka daukisa pyuara dia daukaisna?
5. Amos 4:11, 12 ra wan aisibawina dia kupiakraukanka wankisa.



WANKUPIA LAKAN KARNIKA

WANKUPIARA BRIAIA: "Mahka pruiikapri pyuara, Dawan ra kupi krawan, bara manra purisunri tempelkam holira." *Jonas 2:7.*

"Dawan mita aisertska dukiara aisan nanibara kulkanka yabras, diara bahki kum baku kaikisa. Naha wedniskana mita kristian kumi bani aikupia lakaikan sakuna baku daukraas; ya bani aikupia aiskawala bribia naniba bilawalan kabia an klintakan kabiasa."— *Early Writings, p. 270.*

Kau aisikaikaia: *Early Writings, pp. 269–273;*

Testimonies for the Church, vol. 5, pp. 62–84.

Sandi

Kuswa kati 8



Baibil aisikaikaia ba: 1 Kronika 3-5

1. WAN SINBISA TASKI NANIBAWINA KLIN WANDAUKAIA

a. Kristian nani uba idan naniwal mikstakiba mita Dawan dia daukaisa? *Amos 9:9.*

"Ensal ra makabi walri sinbanka yang kaikriba dukiara bara aimarikan wednis kasakkira warkka taka mita kabia Laudicia serts kara aisan kataba baku. Spirit Holikira mita Dawan albika nanira karnika an sinslaka yabia bara aidaukanka, iwanka, wapanka naniba satwala kabia. Ao, wantilaara kum kum lika wantapia kabia baha taka mita sinbanka daukbia Dawan aiuplika nani tilara."— *Early Writings, p. 270.*

"Dawan sertska bilara kristian ailalba ainina baman brisa aidaukanka wahra an taski naniba bansa. Dawan lika upla kupia nanisutra kaikisa diara yukwanra an tihmura dauki dukia naniba an sut ingnira sakan kabiasa. Kan basat kristianka nani taka gospel sturka warkkara karnika tikisa bara aitanisa kau kanra yamni wantilawina sakan kaia. Kan heven suliarika naniba klin an holi kaiasa."— *Testimonies for the Church, vol. 1, p. 333.*

"Dawan mita aisertska membarska kumi banira sinbisa. Kan witin wantsa klin an holi lakara iwikabia. Yawan upla lika wan walka kupia sip aisikaikras. Sakuna Dawan mita aiserts kara yabansa tnatka nani nahki klin kaiaba. Ao, waihl sauraba mita wantilara bribaldinkansa aisuliarka nani Dawan Lâ ka kat iuras. An kiama aubisa pyuara witin nani laikapia takisa. Chans yaban chenstakaia sakuna brindaukraskan."— *Ibid., p. 99.*



2. WANPAINKA DUKIARA WAN BATAKISA

- a. Prautkira nanira Dawan dia munisa? *Amos 9:2; Abdías 1:3, 4.*

"Uba praut an tarapulankaba lika diara saurapalisa kristian raiakara. Taski daukisa wan aisanka, daukanka an wapanka nanirasut. Upla prautkiraba ailukanka nanibasut watawi bamansa yu banira."— *The SDA Bible Commentary [E. G. White Comments]*, vol. 7, p. 962..

- b. Diasat tawankakan Niniveba, Jonas dia daukan Dawan mita bahara smalkbiawin pyuara? *Amos 9:2; Abdías 1:3, 4.*

"Jonas, witin aikainara trabil ailal baraba dukiara lukan pyuara Dawan winankara waia apia lukan, bansin Dawan mapara aisaia traikaikan. Upla baku witin lukan Ninive tawanka taraba uba praut an tarapulanka laka uplika naniba brisa, bara witin smalkbiabawal diara takbia apia. Minitkum witin aiauyatikan Dawan karnakiraba diarasut sipyaba tanka.

"Dawan mita Jonas ra wark yaban kataba lika diara tarakan, prapit kum baku aipahpaiara kahban kata; bansakuna, ao, trabil nani lika barakaiaikan sakuna Dawan mawan ingnika witinra swiraskan warkba yakan daukbia wisi. Jonas, witin wilinkira Dawan bila walan sat kata trabil ailalku luaia apiakan ban inska tara biarara yu yumhpa bara kataba. Sakuna Jonas purara trabil tara kabura balanra aikupia lakan pyuara Dawan witinra lulki swiraskan ai albika lamarakan an raiaka alki brikan aiwarkka daukbia dukiara."— *Prophets and Kings*, pp. 266, 267.

- c. Nahki Dawan ailatwanka wanmarikisa wanyabalka prakiwal? *Jonás 1:4, 7–12.*

"Wan yabalka prawan baku takiba lika Dawan mita daukisa yawanra ban wanswika tiwaiara wabia apia dukiara. Wan lukanka watawi lakara bamanba Dawan mita yaban witinra kli baltawi aibila wali lantakisa. Ao, kaikras kaka klala wanki bakusa sakuna baha latwanka tilara ailatwanka laka wanmarikisa wankupia lakbia dukiara. Ao, yawan sipsa Jonas baku wark wankanba daukaia apia wisi plapan sakuna lulki wanswiras."— *Testimonies for the Church*, vol. 2, p. 423.



3. SWAKIWANSAKAN WAN WALKARA HELPMUNBIA DUKIARA

- a. But ra warktatakra nanira Dawan nahki param takan, naha nani dia daukan? *Jonás 1:13-16*.

- b. Dawan diadaukaia wantkan Jonas wal, nahki Jonas aipurasunan inska biarawina? *Jonás 1:17; 2:1-4*.

- c. Aisas nahki rait aihwa Jonas aikupia lakan? *Jonás 2:5-9*. Dawan mita nahki ansamunan? *Jonás 2:10*.

"Lasra Jonas aitankabrin swaki sakaia lakaba Dawan mihtaraba tanka. Lawana nani 3:8. Jonas aikupia lakan an Dawan ra padin makaban aitingkika lakara witinra swaki sakbia dukiara. Bara kabu muhta wina Dawan adarka kat sauhkara bribalan kata."— *Prophets and Kings*, p. 269.

- d. Jonas aikupia lakan ninkara nahki warktakanbawina yawan dia lantakisa? *Jonas 3:1-3; Sturka nani 15:36-39*.

"Bernabe, brindaukikan Mark witin nani aitolawina takbia apia, kan kaikikan daukanka yamni ailal brisa Dawan warkka tilara tabaikaia. Mani nani luan ninkara Bernabe makabankaba kulkanka tara yaban kata, kan naha wahmika aitaimeka Dawan warkkara mankan wilinkira gospel sturka smalkikan plis saura nani tilarasin."— *The Acts of the Apostles*, p. 170.

"Yawan kau taim apusa bara wark wankanba istipali daukan kaia nitsa. Ban bahki lakara lika apia. Selp winamkat lilia briaia lukanka bripara. Awarkasa mahka yapanbawina rawibuwaia. Wark wankanba srinwraskira daukaia nitpalisa. Yakan wankarnikawal lika apia Dawan Spiritka Holikiraba mita sinslaka an karnika wankan kabiasa. Jisas patran painkira warktaki wanmarikanba nina blikaiasa, bawikira, umpira Dawan mihtara aimakan kaiasa, bara witin wina karnika an sinslaka wankan kabia. Kau yu dimras kainara swapraskira warktakaiasa tiwan naniba helpkara Jisas talia mana."— *Testimonies for the Church*, vol. 9, p. 200.



4. WANKUPIA LAKAN KARNIKA

- a. Dawan bilawalaia dukiara nahki Jonas sibiraskira smalkan? *Jonas* 3:4.

"Pyu kunhku bilara pawanka ailal barakan Ninivi tawanka bilara, sakuna saurka sin ailal sahwikan. Dawan mita aiprapitka nanira yaban ulban tala laiwaia Pliska kum baku, bapurkara kunin an implikan laka sin ailalpalikan. Prapit Neham mita prakanka daukan ninivi uplika naniba layan prautkira kum baku. Niham 3:1,19 ra ulbansa."— *Prophets and Kings*, p. 265.

- b. Aisas, nahki Dawan mita Jonas warkkara blising tara yaban. Ninive uplika nani aikupia lakanba nahki patran painkumsa. *Jonas* 3:5–10.

"Ao, Ninivi tawankara iwi uplika naniba saurka ailal daukan sakuna baha tilara kum kum Dawan ra kasak lukikan. Dawan lika upla kupiara lukanka baraba sut kaikisa. Lawana nani 33:13. An Dawan nakrara upla raiakaba mana tara sa. Job 28:10. Dawan kaikikan upla ailal saurkara iwiba tilara wilinkan Dawan bilawalaia witin nanira smalkbiasa kaka."—*bid*.

"Jonas, Dawan adarkawal Ninivi tawanka bilara yabal nanira smalkikan yu yawan aiskawal (40) bilara Ninivi tawanka sauhki tikan kabia. Sakuna Dawan mita padin munan kan uplika nani aikupia lakan bawikira an Jonas smalkankara kulkanka yaban Dawan prapitka baku."— *The Great Controversy*, p. 406.

"Yanusa pasin kasakkira naniba mita wan sertska tingkikasra smalkanka lasba daukan kabiasa sapa. Setan suliarka naniba wan sertska bilara aibahwansa des bilakaikisa kristian kasak nani kum kum kau baraba prubia pyuara prapit kuninkira naniba buankabia aismalkanka wahrawal. Naiwa kahwan sertska nani ailal bilara smalkisa tausin manikum prilaka dukiara wisi sakuna Dawan baku aisaras. Kainara yang inras kapri sakuna nanara naikra layaba bansa; waunhtaia ulbisnanasut buswisa. Pyu kunhku bilara prapit aisanka naniba sut aimakan kabiasa. Bili baikra naniba kau ban walikabia apia aiyapanka ailaltilaraba.

"Dawan aikupia baiwan kapkaba laikbia pyuara ani uplika kainara aikupia lakraskansa kaka saurapali saurapali kabia. Naiwa yawan taim brisa Ninivi uplika nanikataba baku wankupia lakaia, sakuna kau wankiama karna brisa kaka kauban Dawan wan maihsanihki kabia apiasa."— *Testimonies for the Church*, vol. 5, pp. 77, 78.



5. NINIVE KLI NAIWA

- a. Jonas upla baku nahki kli aiswapnika marikan? *Jonas* 4:1–3.

"Jonas, nutakan Dawan kupia pihnika laka taraba mita Ninivi uplika nanira padin munan aikupia laki krukak kwalka dimi yamhpusra prawikan pyuara, Jonas witinpas lilia takaiakan bahasat Dawan aitingkika laka tarawal uplara padin muniba dukiara; sakuna witinra setan mita kunin munan yu pati luanra Dawan klala blikras kantaim aismalkanka naniba prapit kuninkira baku aidara walan.

"Jonas ra aimawalara setan traika kaikan namhpara lukaia an Dawan mapara aisaia, bara witin sari takikan." — *Prophets and Kings*, p. 271.

- b. Uplakum aikupia lakisa pyuara yawan nahki lilia kaiasa, Jonas daukanba baku lika apia? *Jonas* 4:4, 11.

"Jonas ra diatakanba naiwa pasin nanira lisin painkira akumsa. Tawan tara nanibara ao saurka ailal sahwise sakuna baha tilara upla ailal li diran an plun pin dauki baku Dawan bila kasakkaba plikisa, sin patitara Ninivi kataba baku. Dawan albika nani bahara waiasa." — *Ibid.*, p. 274.

"Dawan warkka tatakra nani ban drinh swapaia apiasa tawan tara nanira saurka ailal kaikisa pyuara, ao isi lika apia kabia wanpurara trabil ailal sipa balaia sakuna baha tilara Dawan mawan ingnika yawan naniwal kabiasa. Dawan mita apastel Pal ra nahki tabaikan bila wisataba Korint tawankara smalkaia wanpyuara sin baku naiwa yawanra wanwise: 'Si bripara bilaba smalkaia takaspara; yang manwalsna, upla mita sip diara maimunbia apia, yang naha tawankara upla ailal brisna' Sturka nani 18:9,10. Tawan tara nanira saurkaba ailal sahwise sakuna baha tilara upla manas wilinsa Dawan bila kasakkaba walaia an bilawalaia." — *Ibid.*, p. 277.



MAKABANKA LUAN NANI BA LAKI KAIKS

1. Dia muni aitanisa sinbi plawar mâ ba taya wina saitra sakaia?
2. Yang raiakira nahki param kaikisna Dawan taibriba tanka?
3. Dawan yangra aiwalras lukisna pyuara nahki Jonas sturkawina lantakaiasna?
4. Dia muni Ninive tawankaba sauhkan kata sakuna 40 yu bilakara lika apia?
5. Laimara tawan tara tilara sol ailal baraba dukiara dia lukikaiasna.



UPLA KAHWANBAWINA KLI BUKAIA WARKKA

WANKUPIARA BRIAIA: "¡Upliki nani! Dia yang maimunri kan ki? Diaura ban uba mai swapkri? Maipara aisas. Egip tasbaia wina maisakri alba watlara kaprambawina." *Miqueas* 6:3,4.

"Tasba aisikakum ailuhpiara aikupia aiskakira biktakras utlawina plapanba klalbaubia dukiara, sakuna Dawan mita lika yawanra biktakisa." — *Testimonies for the Church*, vol. 8, p. 275.

Kau aisikaikaia: *The Great Controversy*, pp. 253–264

Sandi

Kuswa kati 15



Baibil aisikaikaia ba: 1 Kronika 24-26

1. TRABILKUM JUDARA

- a. Acaz king aimakan pyuara judara dia takikan? 2 King 16:2-4.

"Acaz, king aimakan pyuara prapit Aiseya an aipanika prapit wala nani purara trabil ailal bribalan kata, kau kau kainara bahasat Juda kingka wala nani kumisin daukraskan. Juda kiamka nani tilara upla ailal barakan aidulra amayunra tara daukikanba tilara waraskan, sakuna nanara witin nanira taibi munikan aidulra mayunra yabia dukiara. Israel luhpia tarkika naniba pana pana kunin lakara baman iwi banhwikan, bara prapit kuninkira nanisin ailal barakan, Dawan aisisa wisi upla nanira kau mahwakikan. Prias watlara pris naniba aimana dukiara baman uplara smalkikan, sakuna aibilara lika aisikan Dawan uplika baku." — *Prophets and Kings*, p. 322.

- b. Dia Dawan daukan witin ailakara kulkraskan naniwal? *Jirimaya* 7:30-34.

"Setan mita smalkanka wahra yaban israel luhpia nani tilara dinkan, bara aidul uplika nani dia daukikanba tnatka daukikan ailuhpia nanira pautara anki sakripais daukaia aidul dawanka nani mita tawi help munbia dukiara wisi. Bamansin apia sakuna diarawala kau saura an taski dauki banhwikan nasal wala nani aidulra mayunra daukiba tnatka nina bliki." — *Patriarchs and Prophets*, p. 337.



2. NAIWA KUPIA KRAUKANKA

- a. Jirimayas an Aiseya walra Dawan winan Juda kiamkara aisturka aisaia, kau yaurasin winankan, dia muni? *Miqueas* 1:1-5; 2:1, 2, 7.

- b. Ezequias witinka Acaz luhpiakanba king aimakikan pyuara nahki Miqueas prapit kuninkira nanira aisan? *Miqueas* 3:5-8; 2 *Timuti* 4:3, 4.

"Dawan mita ai smalkanka blikisa upla kupia kraukaia, Baibilra lika marikisa heven ensalka pali baku, sakuna baha nani lika smasmalkra an pasin nanisa, waikna an mairin nani diara lukikaikiba nahara aisinska kasak aihwa mankaiaaba nitpalisa. Daiwan saura marka an lilikara mayuni nani purara Dawan klalka blikaia dukiara *Param marikan* 14:9-11 wan aisiba, upla kumi bani amanpali stadi takaiasa diaba daiwan saura markka dukiara aisiba. Bansakuna upla ailal aikiama nahara mankras kisi sturka baku kaikisa. Apostel Pal, tnata yuara diara takaia naniba dukiara Dawan mita marikan bara ulbansa: 'Pyuaba balbia smalkanka kasakba kauban stanmunbia apia' 2 *Timuty* 4:3. Baha taimka dukiara apostel Pal aisanba lika naiwa yawan iwina pyua dukiara aisansa. Tasbara iwi uplika kau ailalba Dawan bilawal waras, witin dia wantba kat iwikaia lihkisa.

"Sakununa Dawan aiuplika daknikum tasbara brikabia baha nani lika Baibil dia aisibakat wali daukbia. Kan smalkanka sut bapanka an wan raiaka wapnira mankaiaaba lika Baibilra ulban naniba wal baman sipsa. Pasin tara nani lukanka naniba an mitin tarara upla ailal dia ao taki sakuna Baibil aisankawal waras kaka sip bahara kau tara kulkanka yabras kaiasa. Smalkanka ar bapanka kumra kasak lukaiasa kaka nitpalisa Baibil dia aisibawal praki kaikaiasa kan waihla sauraba karna warktakis wantilara smalkanka wala bribal dinkaia." — *The Great Controversy*, pp. 594, 595.

- c. Aisas nahki parisi nani uba holikira pulikanba. *Miqueas* 3:9-12.

"*Miqueas* 3: 9-11 bara ulbansa parisi nani Jerusalemra kuninka laka nani dukiara Dawan mita yaban prapit ku ulban. Ao, witin nani aisikan Dawan Lâ ka kakulkra kasak baku, sakuna sintaim la krikikan. Jisas tasbara balan pyuara parisi mita misbara kaikikan kan aisaurka naniba param sakikanba mita. Setan mita smalkanka wahra nanibaman sinskara dinkan Mesaia balaia Dawan pramis munankanbara." — *Ibid.*, p. 27.



3. KLI BUKAIA DUKIARA PRAPIT AISANKANBA

- a. Dawan klala blikaisa dukiara Miqueas aisankanba dia mita ria alkitakaskan, nahki marikisa Dawan kupia pinha? *Jirimayas 26:18, 19.*

- b. Pura lalura nanira Dawan dia pramiska yabansa, nahki marikisa Iden gadinka bukaia dukiara? *Miqueas 4:1, 2, 6–8.*

"Setan mita Adam an Ev walra kunin munan bara Dawan bilalulkan, bara setan witin kataba tasbana dawanka pulisa 2 Korint 4:4. Dawan tasba paskan pyuara Adam mihtara mankan naha tasba aiskana, sakuna Dawan bila lulkan taka setan ra yaban. Jisas witinka lika Gad raiakira luhpiaba tasbara balan saurka mana Adam klala briaia kataba witin brin, baku lika uplara swaki sakan bankaia prurika klalkabawina, an setan mihtawina tasbana kli dakbi briaia, baha dukiara prapit Miqueas aisan kataba: Man sip mainkakaira taura Dawankamra kli balma. Miqueas 4:8."— *Prophets and Kings*, p. 682.

"Naha tasba wihtika nani la daukaia watla nanira upla auya bara aman pali ban binsin daukras walisa dia wihta aisabia dukia nanira, sakuna nanara la kau tarakum baraba lika tasba aiska Dawanka mawanra buawaiaba raiakaia bukkara wan nina nani barasapa laki kaikbia pyuara. Jisas, witin lika Dawan Aisa mawanra wan tawan aisisa uplasut witin aitaliara kasak luki padin makaban naniba aisaurka nanisutwina, witin nanira kli yabankabia iden kiadinkara taura kataba watlara dimaia an prapati baku taura kataba briaia. Miqueas 4:8. Setan mita uplara kunin munni yaban Dawan bila lulkan pyuara setan lukan Dawan warkkaba mayara batakaia; sakuna Jisas warktara daukanba takaba mita upla kahwan kataba kli bukisa an hevenra pliska painkira kum yabisa."— *Ibid.*, pp. 800, 801.

- c. Miqueas an prapit wala nani nahki aisan las puraluwanka dukiara? *Miqueas 4:10–12.*

"Jisas kli tasbara balaiaba an hevenra wanbrihwaiaba dukiara prapit nanik yaban ulbanba tanka tara painkira palisa yawan kumibanira, Adam kahwanbawina kli bukaia pramiskaba lika yawan sut wandukiasa, wan damika nani bahara kasak luki an bila kaikikan."— *Education*, p. 183.



4. HEVENWINA LAIKAN KABIABA

- a. Miqueas 5:1,2 ra aisanka nani nahki aimakan Dawan kupia pihnika laka Juda purara? Nahki wanmarikisa Jisas ba Dawankanba sakuna param takraskan? *Matyu 2:3-6.*

"Ebrahim, Aisak an Jakob ku Dawan aisan bakusin prapit naniksin aisan Jisas tasbara balaikanba prisasakra kum baku saurka laka albikawina. Prapit nani aisikan Jisas balaikanba tnatka sat satku 'Uplasut witinra brindaukikanba'. Hageo 2:7. Jisas anira aisubitakaikanba bakusin dia pyuara titikbi sut kumi an wala nani uplara aisankan. David luhpia baku witin aisubi takaikan David tawankara." — *Prophets and Kings*, p. 697.

"Jerusalem tawankara pris an aiulbra naniba priaswatla taurakan witin nani aipahpaiarakan prapit ulbanka naniba staditaki bara Mesaia aulaba dukiara upla nanira riditakaia sain nani takbia aisankanba sut pat takanba klerkan. Prapit Miqueas aiulbankara marikan ani pliska ar tawankara Jisas aisubitakan kabiaba, bakusin prapit Daniel ulbankan pyuaba, dia mankara Mesaia aisubitakan kabiaba. Miqueas 5:2; Daniel 9:25 ra baha dukiara ulbansa. Dawan mita Jû ta uplika nanira Mesaia balaiakanba dukiara param pali yaban nutakan, witin nani diara kumisin iskius mankaia apukan sutfain nukan Mesaia aisubitakaia bailapalikanba. Setan mita kunin munan bara prapit ulbanka nanikataba tanka wahrara brin. Jû nani mita Dawan prapitka nanira ikikan sakuna yabalka unra lika prapitka nani lilika baku sementwal paski daukikan." — *The Great Controversy*, p. 313.

- b. Israel luhpia nani baksakan daknikara Dawan dia daukaia wantsa? *Miqueas 5:7.*

"Ani uplika Dawan wal bakusin aiuplika walawal prilaka brisakaka witin blisin ailal brikabia. Aikupiara misbara an tuman laka apukabia; lukan saura wahra taski naniba sip baha uplika kupiara plis sakbia apia. Jisas mawan ingnikaba wan raiakara iwisa pyuara lilia, prilaka baman yawan brisa, ao sipsa trabil wantaibi kaia sakuna bahara wansinska mankras

"Jisas nina blablikra naniba Dawan mita tasbara blikisa prilaka sturka kwakwahra baku. Wan raiaka paliba wednis painkira kum kaiasa bara upla wankaikibawal Jisas ra kakaira takisa an aidaukanka almuk taski nanibasut Jisas ra bribalisa padin laka pliki.

"Kristianikum rait aihwa Jisas wal kakaira takansa kaka witin aidaukanka, aiaisanka, aiwapanka naniba sut satwala takan; klin, holi an kasakka lakara baman iwisa." — *The Great Controversy*, p. 313.



5. DAWAN LA KASAK DAUKIBA

- a. Miqueas ku Dawan mita israel luhpia nanira nahki painkira winanka daukan kli witinra balbia dukiara? *Miqueas 6:2–5.*

"Ani uplika aiwalkara kasakkat diara daukras nanira Dawan mita baha nanira yamni kaikras; kan Dawan bilawalras an Jisas warkka tarara kulkanka sin yarasba mita, Heven aiska mita upla kumi banira manatara dukia baku kaikisa Jisas talia laikanba taka mita. Aitani apiasa Dawan nakrara yamni kaikras dukia naniba yawan ban daukikaia." — *Testimonies to Ministers*, p. 373.

- b. Upla ailal aikupia aiskakira Dawanra winiba nahki ansika yabankabia? *Miqueas 6:6, 7; Jirimaya 8:22; Jan 1:29.*

"Yawan upla selp wankarnikawal sipapiasa liunta paknikum bakura kahwanbawina yakan baltakaia. Wan kupiaba saura yakan chensmunras.

"Dawan kupia pihnika laka lika uplasutra wantsa swaki sakaia saurka albika lakara setan mita wilki briba. Sakuna Spirit Holikira mihtara aimakaiaba nitpalisa kan baku baman yawan upla karnika bribia Dawan Lâ ka holikiraba bilawalaia an bahara iwaia. Apastel Pal naha kasakka aitanka brin pyuara naku aisan: Yang nusna Dawan LPal naha kasakka aitanka brin pyuara naku aisan: Yang nusna Dawan Lâ kaba pain. Lâ ba holi, kasak an wapni, sakuna upla baku karnika yawanra apusa bahara iwaia an kulkankka yabaia kan saurkaba wan kupiara bansa yakan wankarnikawal bahawina pritakras Roman 7:16,12,14. Pal witin brindaukikan klintakaia sakuna selp aikarnikawal sipapiaba aidara walan pyuara naku aisan: 'Yang lika waiknakum sipapiasna, yâ mita sipkabiaki priaisakaia? Naiwa upla ailal Pal bakusa sakuna Jisas sipsa priwansakaia.' — *Steps to Christ*, pp. 18, 19..



MAKABANKA LUAN NANI BA LAKI KAIKS

1. Prias daukaiasa pyuara dia sturka wansinskara brikaiasa?
2. Dawan sertska laspyuara smalkanka naniba dia bapanka brikabiasa?
3. Dia muni Miqueas bilakaikanka tara brikan kau taura takaia dukiara?
4. Nahki satwalasa Jisas pyuara jû ka nani an las pyua kristiaka naniwal?
5. Nahki Dawan daukisa ailuhpia nani aihmawakan nani kli bribalaia?



YAWAN PATNUSA DIA DAUKAIABA

WANKUPIARA BRIAIA: "Upla, dia diara painba dukiara mainwinsa, dia mamkabisa: la kasak daukaia, kupia pihni laka brikaia an Dawan mawanra bvawikira tawauki kaia." *Miqueas* 6:8.

"Ani uplika Dawan ra kasak lukisa nahkijat trabilman tilara kabiasin an bawikira iwiba purasunra naniba Dawan amanwalisa." — *Testimonies for the Church*, vol. 4, p. 539.

Kau aisikaikaia: *Testimonies for the Church*, vol. 4, pp. 306–313.

Sandi

Kuswa kati 22

Baibil aisikaikaia ba: 2 *Kronika* 18-20

1. DAWAN NAKRARA

- a. Nahki isi tnatkara prapit Miqueas kunhkura aisan Dawan makabi dukia nani? *Miqueas* 6:8.

"Dawan bilaba an ai Lâ ka holikiraba wankupiaara ulbansa pyuara param takisa wandaukanka nanisutra, karnika tara brisa upla wala nanira marikaia heven Dawanka latwanka dukiara. Tasba dukiara lalihkra kataba, praut, misbara an tuman laka nanisut wankupiwina sakisa bara nanara klin, holi an kasakka lakara wanbrihwisa, la kasak daukisa, kupia pihni laka brisa an Dawan mawanra umpire bawikira iwisa. Naha lika diarakum tara an tihupalisa, wansinska lukra nanisut rait aihwa Dawan bilawalaia." — *Testimonies for the Church*, vol. 3, p. 201.

- b. Nahki wankupia kraukisa kristian raiaka kasak iwaia? *Miqueas* 6:11.

"Dawan aisanka nanira diara sirpikumra bilawalras kan tasba kukanka nani ailal wentakaiaba kau tara kulkisa. Ao, ainina lika kristian brisa prias dimisa wark yamni walasin daukisa. Sakuna witin nukaiaba Dawan nakrarawina diara sirpikumisin tiuras an saurkaba saurka tara ar sirpi sinsat kulkanka brisa ya nusi daukiba latuban aipurarasa." — *Ibid.*, vol. 4, p. 311.



2. UPLA SAURAKIRA AN DAWAN HOLIKIRA

- a. Miqueas pyura Israel luhpia nani daukanka tnatkaba nahkikan? Miqueas 7:2–4.

"Israel luhpia nanira Dawan mita baksakan kata sakana witin nani purara taim saura balan kata selp aisaurka takamita. Pyu kunhku bilara nesanwala nani tilara mikstakan. Juda kingka sin tihmupalikan. Diara yamni daukaia lukanka nani kata isti luwiwan bara saura daukaia lukanka lika tara sahwikan. »." — *Prophets and Kings*, p. 324.

- b. Dia takamita wankan wan nakraba ban Dawan ra manki brisa? Miqueas 7:5–7; Lawana nani 60:11.

- c. Aisas bilakaikanka painkira kum briaia sipba Jisas ra kasak lukan mita? Miqueas 7:8, 9.

"Upla swaki sakaia warkka tara Dawan daukiba lika uplasut dukiasa tasba aiskara. Dawan brindaukisa upla saurkara pruan naniba kli aiwinka puhbra raiaka yabaia. Ani uplika aikupia aiskakira li diran baku kasakka alaka pliki nanibara ban lulki swibia apia swaki sakan lakaba briaia. Trabil ailal tilara iwi banhwi nani purasunanka Dawan walisa an heven ensalka nani blikisa prilaka an kupia kumi laka bribalbia dukiara. Dawan mita param marikbia ailatwanka an aikupia pihnika lakaba. Jisas warktara daukanba taka heven aiskasut upla helpkara wilinkira warktakis kumi banira swaki sakan lakaba bribalaia. Baku lika bilakaikankaba Jisas ra brikabia an aiauya tikbia apia Spirit Holikira wankupiara warktakiba, an karnika wankbia Dawan Lâ ka nani bilawalaia. Lawana nani 78:7." — *Prophets and Kings*, pp. 377, 378.

- d. Nahki Miqueas purara bukisa Dawan daukanka naniba? Miqueas 7:18, 19.

"Diara tara palisa. Dawan lika selp ai Lâ kara kulkanka tara yabisa an padin munisa aibila wali nanira." — *Thoughts From the Mount of Blessing*, p. 116.



3. AISKASUT KASAK, KUPIA PIHNKIRA

- a. Nahki kunhkura aisaia sipa Dawan kasakka laka? *Nahúm* 1:3.

"Witinka heven tempelkara iwiba la kasak daukisa. Aiuplika nanira umpira kaikisa naha tasbara aiklabanka tara briba setan traika kaikanka mapara, ensal nani ailamakir kutbi mayunra tara yabi nanira baku apia." — *Christ's Object Lessons*, p. 176.

"Dawan wihka bilakaikanka laka bribalika diara tarapalisa. Kasak la daukaia bilakaiksa Jisas wan helpkara kau aisi pyuara." — *bid.*, p. 177.

- b. Dawan kupia pihnika lakaba nutakisa pyuara dia wan sinskara minit banira brikaia? *Nahum* 1:5–8.

"Dawan lika wihka wanbila kaikisa, want apiasa upla kumisin tiubia; sakuna pyuakum balbiabakat danh takbia, baha ninkara kli saurakirara chans wala yabia apia. Ailawanka kapkaba laikbia an sauhki tikan kabia.

"Waikna nani karnika brisa pyuara aiuplika wala ra taibisa, naha tasbara lika la daukaia watla apusa umpira naniba helpkara la kasak daukaia, Dawan witin pali bubia baha nani helpkara sip selp aitawan aiklabaia karnika apu naniba. Klala yaban kabia tataibra nanira. Tasbara layer nani kumisin sipapia kabia tataibra nani tawan aisaia. Tasbara iwi uplika ailal Dawan ra sibrin briaia watlikara tasba wihtika nanira kaiksa, baha nani lika aiprautka laka an uba sipkira papulra palisa, pyua aimakbia bara Dawan mita witin nani diara apiaba marikbia." — *The SDA Bible Commentary* [E. G. White Comments], vol. 7, p. 946.

"Naha tasba uplika nani aikupia lukras Dawan Lâ ka holikiraba krikaia. Dawan wihka uplara bilakaikiba mita, Lâ ra aiminara titikbisa diara bahki baku. Aiuplika wala nanira taibimuni an karnasin munisa banwisa: 'bahana dia Dawan nusa ki? Dawan ba tanka brisasamna? Lawana nani 73:11. Sakuna Dawan mita limitkum mankansa bahawina sip lubia apia. Naiwa yawan wanpyuara saurkaba tarapali pawansa bara Dawan kupia pihnika lakaba danhtaka bailasa. Dawan aiminara bubia aiuplika naniba swaki sakaia an klala yaban kabia tasbara iwiuplika nani witinra kulkrasba." — *Christ's Object Lessons*, pp. 177, 178.

- c. Nahki yawan nusa saurka tasba rayara kli takbia apiaba? *Nahúm* 1:9.



4. NAIWA PYUA DIARA TAKIBA DUKIAKUM

- a. Jisas balaiaaba sainka kum dukiara dia Nahum aisisa, Nahki wansinska bahara aman mankaia nitsa? *Nahum 2:3, 4; Jan 9:4.*

"Tasba aiskara bil kans. Upla nanira wis Jisas kli balaiaaba bailapali takanba tanka brih an riditakbia dukiara. Kiama banira yarka walankabia.

"Nanara yawan ban taim bahkira lustikaia apiasa. Setan aisuliarka aikuki karnapali warktakisa, ya yapi nanira alkaia dukiara bindaukras tawa tawa yukwanra aulasa, sin kaikras kaka yul wailkum daiwan alkaitaim wapiba baku. Kupia kraukaia sturka yabaiasa, kau taim kunhku brina pyuara, naikara karna kabia warktakeia." — *The Desire of Ages*, p. 811.

"Jisas aimawalra kli tasbara balaiaaba baila pali takansa. War tara aiklabiba ntatara aulasa. Tasba, kabu, il nanira bakusin kasbrikara diara taki naniba sut wednis painkira kum wan maihsapahkisa. Nesan kum wihki nesan wala naniwal war aiklabiba wednis atiasa. Sakuna kristian manas diara takiba kaikisa sakuna bahara aisinska mankras sa.

"Jisas pat aula. Jisas mina binkaba yawan walisa aiuplika nani mata aulaba, sakuna saura dadaukra nanira lika klala yaban kabia. Yabalkaba yawan rididaukan kaiasa upla banira yaka gospel sturka yamniba walan kaiasa." — *Evangelism*, pp. 218, 219.

"Dawan mita sinslaka wankansa, bakusin wanwina saunka wankansa witin aiwarkkara yusmunbia dukiara. Ingnika wankanba selp yawan baman brikaia lika apia." — *Testimonies for the Church*, vol. 7, p. 180.

"Serts membars kumi bani airaiakara Dawan bila kasakka tanka aiska briba warktakeiasa kau tihmia balras kainara; kan tihmiara uplasip warktakbia apia." — *Ibid.*, vol. 9, p. 26.

- b. Dawan kupia pihnika lakara kulkanka yabras nani uplikara dia takan kabia Ninivira kata baku? *Nahum 2:8–11.*

"Dawan lika mistik takraskira tasbara iwiuplika nani sturka kumibani brihwisa nesan kum nesan wala nanisut dia dauki naniba sakuna aikupia pihnika lakara ban stanmuni wihka bilakaikisa, ban swibia apia kau aitauro waia. Nanara pyua aimakisa nesan nanira klala yabaia awarkaba." — *Prophets and Kings*, p. 364



5. PATITARA TAKAN KATA KLI TAKISA

- a. Asiria kahwanka dukiara dia aisisa, las pyuara nahki prakanka painkumsa? *Nahum* 3:7, 12, 13, 18, 19.

"Asiria kingka lakaba tarapali pawanka brinkan; sakuna tarapalisin kahwankan." — *Prophets and Kings*, p. 365.

"Asiria uplika nani uba prautirakan aipawanka tara brikanba taka mita sakuna nahki kahwanba naiwa lisinkumsa. Naiwa tasbara iwi nesan naniba sin bakusa pawanka ailal briba dukiara prautkira palisa an Dawan mapara buisa, baha nanira Dawan mita makabi walis: 'Eden kiadinkara dustara barakanbawal ya taliasa? Sakuna klaki mai lulkan kabiasa tasba tnatakat paknikara.'" — *Ibid.*, p. 366.

- b. Tiskupali nahki sin satka trabilka wanpurara balan kabia? *Param marikan* 18:7–11, 15–18.

"Param marikan 18:11, 3, 15–17 ra ulbansa Dawana klalka Babilan tawanka purara blikbiaba kan saurkaba ailalpali danh puralaiwisa bara diara wala apusa sauhkitikaia baman.

"Dawan kupia pihnika lakara kau wihka upla bilakaikikan pyuara saurka lakara baman iwikan. Dawan aiuplika nani latwankara bubia an aipramiskaba daukan kabia baha nani Jisas nina tawan tasbara diara apu tringsar baku iwikan naniba. Tasbara lahlakira naniba uba tara an prautkira pulisa taiban lakawal aiwalka dukia dakbi witin nani kau lahlakira takiba. Sakuna witin nani Dawan Lâ ka krikwiina lahlakira takan aiwalka dukia implikan lakawal. Upla umpira nanira kulkanka yabraskan an la kasak sin daukraskan. Sakuna awarkaba balan nanara bahasutbawina mihta dakban kabia, sip diarakumsin daukaia karnika apukabia Dawan klalka aipurara balanbawina swakwaia. " — *The Great Controversy*, pp. 653, 654.



MAKABANKA LUAN NANI BA LAKI KAIKS

1. Miqueas 6:8 ra ulbanbara, dia diara yumhpa yawan daukaiaa?
2. Nahki upla kau saurakiraba bilakaikanka brisa Jisas ra?
3. Bawan lakaba nahki naiwa Dawan mita kulkanka tara yabisa?
4. Naiwa upla ailal Ninivi kataba bakusa, yawan dia daukan kaiaa?
5. Miqueas 6:8 ra Babilan kahwanka dukiara aisibawal nahki taliasa?

Pas sabat kaliksanka

Maranhau Piawi AMAPI Apis makaia Brasil kuntrikara



Brazil kuntrika ria yahbrawina lalmara taubia bara Marahnu an bakusin Piawi kuntri baiki sakanka barasa, upla ailal pali iwisa 10.4 milian pitka tasbaia yahpika lika 581.406 km² bakusa, 224.282 mails square pitka. Mani bilara pyu ailal taimba ria lapta takisa kuna pasasin karna krawisa, dus satka ailal nara pawisa awala an lakun un nanira laulu dusa pawisa.

1960 mankara Adventist sertska kli raya takan daknika aiplamaia bal bapan, tawankum nina Bacabal makiba Maranhau kuntri baiki sakankara. Membars nani ailal takan bara priaswatla nani makan. 2016 mankara lika asladaukanka tara paskan membars sutbara lika 530 narasa.

Dawan warkkaba tara pawu auyanara yawan apis makaia nitka brisa bakusin mitinra aulataim yapaika pliska an utla bila apanis tarakum brikaia nitsa mitin daukaia. Naha pas sabat presantka kupiam aiskakira blikmabawal sipkabia wan apiska maki danhdaukan kaia.

"Dawan aiwarkkaba dauki tnatara brihwaiaba upla helpka nitapiasa. Heven ensalka naniba sut lilia an wilinkirasa daukaia, sakuna Dawan aisinska laka tarara baku daukaia brinka apiasa. Saina il ka wina Israel luhpia nanira alwani an imyulawal bintara dauki aisan pyuara ban sibrin tatatwi yakawikan, sin tnatkara sipsa naiwa daukaia sakuna aibrinka apia. Yawan wansinskara lantakbia dukiara daukisa wan uplika walara helpmunaiaba. Wan uplika walara yawan helpmunisa pyuara blising ailal wanpurara balisa an heven tanka kasakkaba kau kler lantakisa. Jisas wankupia iwisa pyuara selp wanwinakat baman kaikras sakuna wilinkira wankupia aiskawal warktakisa wan walka helpkara. Yawan heven suliarika baku wark taraba wal baman brisa: Dawan warkkara tabaikaia an wan uplika walara helpmunaia." — *The Review and Herald, December 7, 1886.*

Naha makabanka man kiamara walma pyuara lukibas Dawan warkkara tabaikaiaaba lustiwanka kum baku apiasa sakuna wentakanka tara an blissing ailal wanpurara balisa wark wankanba kau tukbi taura brihwaiaba sut wan pahpaiara kahbansa, naha nubas. "Dawan mita latwan kaikisa liliakira apresantka yabi nanira" (2 Korint 9:7).

Maranhau Piawi Brasil kuntrika wina



DAWAN RA KULKANKA TARA YABAIABA

WANKUPIARA BRIAIA: "Dawan ba aitempelka holirasa; tasbara iwiuplika sut aimawanra saptakbia." *Habaku* 2:20.

"Naiwa pyuara Dawan ra mayunra dauki watlara kulkanka yabras palisa. Yawan Dawan watlara prias dauki pyuara diara kasak daukaiaba wantanka pain pali brisa. Jû uplika wihki yawan naniwal prakbiasa kaka, yawan kau wantanka brisa." — *Testimonies for the Church*, vol. 5, p. 495.

Kau aisikaikaia: *Testimonies for the Church*, vol. 5, pp. 491–500.

Sandi

Kuswa kati 1

Baibil aisikaikaia ba: *Esdras* 3-5

1. MAKABI WALANKA TARAKUM

- a. Prapit Habaku pas aipurasunan pyuara dia dukiara Dawanra makaban? *Habaku* 1:1–4.

"Upla baku kaikbiasa kaka Israel luhpia nanira Dawan mita baksakanba wark nani yabanba sip daukbia apia bakukan. Kan witin nani mani ailal aidul nina bliki Dawan bila walraskan baha ninkara kiamka nani matawalsipba nesan wala aidul nina bliki uplika aikuki mikstakan; Juda an Benjamin kiamkawal baman takaskan kata sakuna naha nanisin trabil ailal tilarakan. Prapit nanik Dawan maihsapahkan Jerusalem tawanka painnkiraba sauhki tikan kabiaba dukiara, tempel watla painkira king Salaman makataba an bahara Israel luhpia nanira kulkanka tara yabikataba nesan wala nanimita. Nahki Dawan daukbia Jû nani tilara upla kum kum witinra kasak luki bilakaikikan nanibara. Pyu wihka kasakkira nani purara rausauhkanka barakan, saura dadaukra nani lika pawanka tara bri bakukan. Dawan ra kasak lukikan naniba kau taimpain bribiasa ki? Prapit Habaku naku makabiwalankan." — *Prophets and Kings*, pp. 384, 385.

- b. Dawan mita nahki prapit Habaku ra ansamunan? *Habaku* 1:6–11.



2. KAU TAKASKISABARA BILAKAIKI KAIA

- a. Habaku dia muni aotakan Dawan wark daukaibara? *Habaku* 1:12, 13.

"Dawan mita aiuplika kasakkira nani purasunra ansamunan. Prapit nanik Dawan aisan dia daukaiba aibilawalras uplika nani purara klala bribalaikan an aidul daknika tilara dimi mikstakanba. Israel luhpia nani ailal kau pruras raiakabiataim Babilan Kingka mita aisoldiarka blikbia bara Jerusalem tawanka painkiraba kutbi bribia sauhkitikanka tara daukan kabiasa. Naha diara nanisut Dawan mita yaka klala tarakum baku israel luhpia nani purara blikbia bilawalras nanira lisin tara an tahpla palikabia." — *Prophets and Kings*, p. 385.

- b. Prapit Habaku ra lisin yanba nahki taura Adventistka nanisin nitkan? *Habaku* 2:1-4.

"1844 mankara Jisas tasbara aulawisi bilakaikikan pyuara barakan kasak lalukra ailal sakuna tilara ban namhparasins lukikan, bawina Jisas balraskan pyuara idan nanimita lawaska kikikan ansin wikan kristian kuninkira nani nanara kau diara aisaiaba apusa, sakuna baha kristianka nani kauban Dawan bilara kasak lukikan, kau tihura staditaki banhwan prapit ulbanka naniba bara Dawan mita aiuplika nanira ingnika painkira witin nanira yaban kata.

"Prapit kum an prapit wala nani ulbankawal praki kaiki banhwan Jisas tasbara kli balaia dukiara aisan naniba, bara kainara sip aitanka brihiakauras kata dukia nani nanara painpali aitanka brin heven ingnika brin ninkara. Bara witin nani kli tawi aimuihni nanira tabaikikan ban swapnitakbia apia. *Habaku* 2:1-4 ra aisiba sin tilarasa." — *Ibid.*, pp. 543, 544.

"1842 mankara Dawan mita wan muhnikum nina Charles Fitch ra ingnika yabankan Daniel an Param marikan bukka tanka kler sakan kabia dukiara an winkan waunhtaiara ulbia wisi, baku lika uplakumwina wala kiama nanira yaka walan kaia. Naha prapitkak aimakanba lika *Habaku* ra Dawan mita marikan dukia nani. Sakuna upla aitanka briraskan prapit *Habaku* ulbankara aisiba kau ria takaskan kabia dukiara wisi" — *The Great Controversy*, pp. 391, 392.



3. DAWAN MAWAN INGNIKARA IWAIA

- a. Habaku 2:4 ra ulbankaba mita nahki kristian sutra tabaikanka yabisa?
Roman 1:16,17.

"Prapit Habaku an Dawan uplika wala nani baha pyuara iwikan nani purara taim karna balankan sakuna Spirit Holikira mita yaban kasak lukan karna brihiakawikan. Tihmutara baku kutbi brikan, trabil ailal ban sibrinkira. Sakuna kasakkira naniba Dawan mawan ingnikara iwiba mita karna aibapansa. Yu banira bilakaikanka an kasakka lakaba raia takisa. 'Kasakkira ba kasak lakamita raiakabia'. Dawan warkka tilara uplika naniba nitapiasa ban drinhswapaia, namhpara lukaia, sari an sibrin takaia apia.

"Apastel an prapit nani nahki Dawan ra kasak lukikanba baku yawansin Dawan wedniska painkira kum kaia: Dawan ra bilakaikanka brikaia aipramiskara kasak lukikaia pyuaba aimakbiara prilaka wankan kabia pat aisanba baku." — *Prophets and Kings*, pp. 386, 387.

- b. Setan mita ban namhpara lukanka wansinskara bribalisa pyuara, diaba wankupia banbrikaia? *Inanka nani* 3:25, 26; *Habaku* 2:20.

"Bila kaikisa pyuara uba wihka wandara walisa, upla ailal yawan mita kristian kasak baku kaikikan naniba yabalra kahwisa; sakuna prapit Habaku mita Juda kiamka nanira tabaikan bila yabikan kau Dawan ra kasak lukbia dukiara, kaisa kasak lukiwal wiaia: 'Dawan ba ai tempelka ra iwisa uplia sut saptakbia aimawanra'." — *Ibid* pp. 387, 388.

"Dawan mawan ingnika wandara waliba mita yu banira witinra sibrin lukisa an kulkanka tarasin yabisa." — *Education*, p. 242.

"Aininaba holikirasa an kulkanka yabaia aitanisa. Lawana nani 111:9. Heven ensalka nani aimawan prakisa Dawan nina makisa pyuara. Nahki yawan upla saurakira ban isti Dawan ninaba aisabia ki.

"Dawan bila holikiraba yawan kulkanka tara yabiwal staditakaia, ban istikira waunhtaia wala nani tilarasin brikaia apiasa. Selp wansturka aisisa pyuara miksmunaia apia." — *Child Guidance*, p. 538.

"Aisa an yapti nani aman pali kaiks utla bilara an priaswatlara tuktikam nanira aisismaba. Witin nani sinskaba wahmuk baku swapnisa bara dia sturka almuk nani aisibasut titikbi brisa. Prias watlara pasinkum smalkisi bankra diarakum aisaraskansa kaka utla bal tuktan nani mawanra baha dukiara aisapara. Smalkanka pain nani aisanba dukiara baman aisas. Prias watlara yabrika tuktan naniba ban tanis kabiara, lan dauks Dawan mawanra aula baku kulkanka yabaia. Sakuna naha warkka lika takrikan kakiasa utlabilawina." — *Ibid.*, p. 545.



4. TRABIL NANIBA KAU KARNA TAKI PYUARA

- a. Habaku nahki aipurasunanba naiwa yawan lantakaiasa? *Habaku* 3:2.

"Naiwa yawan nitpalisa spirit lainkara pruanbawina kli rawibuwaia Israel luhpia nani pyuara daukan kataba baku. Diara pasdaukaia lika wankupia lakaia wan watawanka laka naniba swisia kauban wan tnatka saura daukiba ninabliki kaia apia. Naha warkka lika upla kumibani selp daukaiaa Spirit Holikira karnikawal ba ninkara heven blisingka wankan kabia." —*Patriarchs and Prophets*, p. 590.

- b. Trabil ailal tilara kabiasin nahki karna aibapi kaiasa, dia muni? *Habaku* 3:17–19; *Filipenses* 2:14, 15.

"Job aisan baku: 'Witin mita ai ikbiasin kauban witinra bilakaikikamna.'" —*Counsels to Parents, Teachers, and Students*, p. 317.

"Jisas wan mata warktara daukan takaba mita naiwa upla saurakira nanira kauban wihka bilakaikisa; sakuna la daukbia pyuara lika Dawan kupia baiwan kapkaba laikan kabia.

"Dawan uplika nani purarasin trabil ailal balankabia setan suliarika nani mita; sakuna witin nanira nina bliki rausauhki kabia pyuara plun piaiasin apukabiara hevenwina witin nanira bred yaban kabia. Naha sin Dawanka sika prapit Ilayas ra mainkaiki kataba sin baku kristian kasak kumisinra ban lulki swinkabia apia. Dawan lika wan tawa mina sirpika sut kulki brisa, taim saura balbia pyuara upla saura dadaukra nani pruitiwi kabia sakuna kristian kumisin prubia apia." — *The Great Controversy*, p. 629.

- c. Habaku pyuara ani prapitka walara Dawan mita sturi tara yaban Israel luhpia nanira brihwaia? *Sofonías* 1:1.

"Dawan mita prapit Habaku ra aisturka yaban Israel luhpia nanira wibia dukiara, sin taim prapit wala Soponias ku sin ai sturka blikan king Josias pyuara kau ban aidul nina bliki saurkara baman iwikanba tilara, kiama aubanka an latwan bila blikan kata Dawan klala blikaiba Juda kiamka nani purara kan saurkaba ubapawankan Dawan mawanra. Naiwa laspyuara yawan iwinara sin Dawan wan maihsa pahkisa klala wanpurara balaiba dukiara." — *Prophets and Kings*, p. 389.

**5. UPLA MINARA BATAKAIA KIUKA SAURAKUM**

- a. Aidulra mayunra dauki an nina bliki nanira nahki Dawan kupia baiwanka klalka aipurara bribalbia? *Sofonías* 1:2–6.

- b. Upla ailal ainina kristian brisa sakuna dia daukankawal marikisa Dawan Lâ ka maparaba tanka? *Sofonías* 1:12, 13; *Matyu* 24:48–51.

"Naiwa laspyuara Dawan uplika nanira sturi painkira ingnika tara yabansa aiwalka nanira wibia dukiara sakuna yapi banhwisa. Aibilani lika aisisa: Yawan bila kasakkaba brisa; lahlakirasa an kau diarakumisin nitapusa. Sakuna wednis kasakkiraba naku wisa: 'Man nuapiasma umpira palismaba, diara kumisin sipapiasma, blain an kwala luha smaba.

"Dawan aiuplika nanira naiwa laspyuara kiama aubi sturi aisan dukiaba bakatsa: 'Nuapiasma umpirasmaba tanka, blain an kwala luha'. Naha lika Spirit Holikira mita kiama aubankan kristian nanira wisa. Ai nina lika kristian brisa sakuna tasba dukiara latwan kaikisa, Dawan warkkara taim apusa selp aimayunra baman plikisa. Wala nani aisisa: ao, Spirit baku aisiba sakuna yawanra apia upla kau idan nani Jisas ra kasak lukras nanira aisisa.

"Alba srinwraskiraba aikupiara aisi wisata: 'Dawan ki balaia lika kausa', ao, witin aisikan Jisas bilakaiki uplika kum baku. Purataia lika ainina kristian brikan sakuna aidaukanka, ai iwanka, wapanka nanisut lika setan suliarika kumsa. Lawaska kakikra baku lika aisaras Dawan balbia apia wiras, witin kasak lukisa Dawan balbia sakuna aikupia aiskawal riditakras, tasba brinka an kukanka nani nina bliki an lihkisa idan nani iwanka tnatka nina blikisa kainara dia daukikanba bansa chenstakras. Praut laka, tarapulanka, tasba kukanka nanira lihkiba. Witin kau skul tara diman bara diara ailal nusa wala skul dimras nanira mayara an bahki kulkisa." — *Testimonies for the Church*, vol. 5, pp. 101, 102.

**MAKABANKA LUAN NANI BA LAKI KAIKS**

1. Dawan yabalkaba karna kaikisna kaka Habaku wina dia lantakaiasna?
2. Prapit sturka naniba yaura wimna wilinkira aiwalbia an kasak lukbia?
3. Nahki yang priaswatlara kau kulkanka yabaiasna?
4. Diakan yang brukwaia laka nanisut traika kaikanka puraluwaiasna?
5. Dawan mita kiaima aubisa pyuara nahki lukankiba laki kaikaiasna?



AIHWAWAKRA DAWAN DUKIA

WANKUPIARA BRIAIA: "Dawan karnakiraba naku aisansa: Yabalkam naniba dukiara lukikaiks." *Hageo 1:7*

"Kauban wihka takaspara, amanpali tankira lukankam naniba lakikaiks an yu bani brinkam almuk nanira prus."— *Testimonies for the Church*, vol. 3, p. 336.

Kau aisikaikaia: *Testimonies for the Church*, vol. 9, pp. 92–96.

Sandi

Kakamuk kati 8

Baibil aisikaikaia ba: *Nihimaya* 9-10

1. SAT WAL

- a. Tiskupali diara saura nani takaiba dukiara aisas? *Soponias 1:14–18.*

"Dawan sibrinkawal warktaki naniba traikaikisa smalkanka wahra naniwina serts membarska nani dakbi sakaia bakusin yaka witin nani aitanka briaia ai mistikka naniba Dawan nakra holikirara nahki taski kaikiba. Bahawina aikupia lakbia saurkara misbara kaikbia an klin lakara iwaia lantakbia. Ao, isi lika apia kabia kan serts bilara membars manas barasa tasba brindara uba lihkisa."— *Testimonies for the Church*, vol. 3, pp. 270, 271.

"Soponia 1:2, 3, 8–18 bara aisisa. Diara ailal tasbara takbiabawal param marikbia Dawan aimihtara diarasut briba tanka. Dawan bila raitba kler an mistik kumisin apuwal smalkankabia. Heven suliarika baku yawan riditakaiasa Jisas kli tasbara aulaba yabalka rididaukaia Spirit Holikira wan tabribia an karnika wankbiabawal. Gaspel sturka yamniba smalkaiasa klinpali. Bankaia raiaka laya liaubra kum baku kau tihu an tara takan kabiasa. Tawan wina lata tanira il bila nanira waikna an mairin nanira winankabia aiwarkka daukiba swisi Dawan warkkara baldimaia. Kwala an sus aiatkrika ai warkka swisi balbia bara landaukbia Dawan warkkara aitaimea aiska mankaia. Spirit Holikira mita sinslaka an karnika yabia bara ai raiaka paliba an aismalkanka naniwal kumi kabia karnika tara yan kabia wawalra nani kiama an nakrurasin baku. Dawan bila kasakkaba purara bukan kabia tasbara iwiuplika sut wednis painkira walbia an kaikbia ba ninkara tnataba balankabia."— *Ibid.*, vol. 9, p. 96.



2. KANKAHBI AN MAIN KAIIKAA

- a. Dawan wankankahbia dukiara yawan dia daukaiaa? *Soponilas* 2:1–3, 15; *2 Korint* 7:1.

"Dawan brindaukisa aiuplika naniba klintakbia tasba an aiwinatara brinka nanisutwina bakusin aisinska lukra naniba wapni, kasak an holi lakara brikaia. Ao, yakan aikarnikawal lika apia Spirit Holikira mita sinslaka an karnika yaban kabia. Uplaba Spirit Holikira mihtara aimakaiaa yu banira, awarbanira an minitbanirasin aihwaki kaia minit kumirasin waihla saurara chans yabaia apia." —*Testimonies for the Church*, vol. 1, p. 619.

"Jisas mahka hevenwina balbia pyuara imiula tara blikbia aikupia baiwanka marikbia, bara pauta klahwan mita tasbara ankan kabia. Il tara naniba pauta klahwan tara baku amikabia, drapapa laptapaliba iswikabia bara dus, twi an saumuk mâ nanisut ankitikbia, walpa tara naniba baiwan kabia laptaba mita, awala an tingni naniba layaba laptaba mita lukwi kabia, nahasat dukia tasba paskanwina kau takras saurapali saurapali kabia. Awala tara naniba laptaba mita lawankabia, tasba bilara baiwanka tara takbia, tasba nikbanka sat sat takbia. Upla saurakira nanibara Dawan aiklalka blikbia. Sakuna bahatilara kasakkira nanilika Dawan ensalka nani mita mainkaiki brikabia tawa mina kumisin aman kabia apia. Noa pyuara kataba baku. Lisamra mita bilawalras nanisut ikitikan pyuara Noa an aipamali aikuki lika swaktakanba baku." —*Spiritual Gifts*, vol. 3, pp. 82, 83.

- b. Rait aihwa kristianka an wala purataia bamanba nahki satwalasa? *Soponias* 3:1–4, 12, 13.

- c. Tasba aiskara Dawan uplika nanira nahki Soponias bilakaikan painkira yabisa an dia warkka brisa? *Soponias* 3:14–16.

"Heven aiska wilinkirasa tasbara iwiuplika nani helpkara warktakaia, wan lamara iwiuplika nani bakusin kau biarakuntrira sin baku. Ensal nani bilakaikisa kristian nani rawi bui wark wankanba daukbia. Wan uplika wala nanira sturi yamniba wiaia an yaka riditakaia Jisas pat aulabawal prawaia." —*Testimonies for the Church*, vol. 6, p. 459.



3. KASAKKIRA WIRIA RA MAIHSANIKRA YABISA

- a. Nahki Dawan ailatwanka wanmarikisa, yawan dia daukaiaasa wala nanira wiaia? *Soponiás* 3:17; 2 Korint 1:3, 4.

"Dawan mita man nanira maikbia lilia tara watlara dimaia, an plakinkum maikbia latwann lakawal. Aiwananka 2:4. Yabalki nanira ban wapismasa kaka, Jisasnaku aisan, 'man nanira pliskum maikamna nahara nani aikuki lilia briaia baha lika heven ensalka nani dukiara aisisa heven an tasbawal aslatakbia an Dawan Aisa wal aililia bribia: 'Kan naha yang luhpina pruankanwina kli buwan, tiwankanbawina klisakan.'" — *Christ's Object Lessons*, pp. 206, 207.

"Heven ra Dawan ensalka naniba tausin an tausin bakusin milian an milian ra barasa sutba lika wilinkirasa upla swaki sakaia helpkara wark takaia. Setan ensalka nani wan sauhkaia traikaikiba mapara buwi aiklabisa sauhkiwantikbia apia dukiara. Minit banira yawan tingki wiaia nitapiasa ki? Wan yabalka nanira trabil barakabiasin.

"Dawan palisin wan helpkarasa. 'Saian luhpia mairin nani aiwans; puralalura baku, israel luhpia nani kupiam aiskakira Dawan ra mayuns, Jerusalem luhpia mairin nani'. 'Man Dawan Kam tilamrasa karnakira baku; witin mita swaki maisakbia; resbriram kabia en ailatwankara, lawana aiwanikirani aililia taks'. Sofonias 3:14,17. Dawan wantsa naha wedniska yawan yabia uplasutra.

"Kristian kasak wan raiaka nahki iwiba wednis painkum kabia. Upla nanira yawan mita marikaiasa tasba brinka an selp wanwinakat kaikibara lilia laka apuba tanka. Bankaia raiaka an lilia lakaba lika Jisas ra baman sipsa sakaia." — *Testimonies for the Church*, vol. 6, pp. 63, 64.

- b. Sitnikawina aisas nahki Dawan aiuplikara latwanba, baha nani Dawan Lâ ka krikaia apia dukiara patbriba? *Sofonías* 3:18-20; *Ezekiel* 9:3, 4.

"Dawan Spiritka Holikira mita paskanka raiawandaukansa kaka heven tanka tihuka naniba yawan klerpali brisa bara wan raiaka kainara taski, wahra, an kunin lakara iwikata dukia naniba nanara misbara kaikisa, kainara yawan blain bakukan diara kaikras sakuna nanara Spirit Holikira mita sinslaka an kaarnika wankanba mita uplasatwala takansa wan daukanka sutba klin, holi an kasakka lakara baman iwisa." — *Testimonies for the Church*, vol. 3, p. 267.



4. WAN YABALKA LAKI KAIKAI

- a. Hageo ra Dawan mita prapit warkkara winan pyuara dia takikan, yawan bahawina dia lantakaia? *Hageo 1:1-4.*

"Ulbankara wisa. 'Naha uplika nani' taura israel nani dukiara aisikan, ninkara yawan nanirasin baku. Israel nani taura brindaukraskan bila walaia. Dawan bilakaikikan aiuplika nani baksakanba aibilawalbia. Sakuna baku apiasa pyuara witinra kulkanka yabras takisa. Setan mita kunin munan selp ailukanka nina blikisa bara iskius sat sat mankisa witin nani diawantba daukaia dukiara. Tempel watla makaia takrikan sakuna kauban aitauro waraskan waihlala nani mita yaban takaskan. Ban lukibanhwan kau makaia awarka apiaba mita Dawan swin makras, bansin lukan uba istikira daukaia lukisa. Dawan aiprapitkak wisata 'naha uplika nani', 'yang uplika nani wiraskan'.

"Israel luhpia nani iskius kumisin apukan tempel makikanba alki takaskaia. Pliki banhwana nahki tnatkara priaswatla makikanba takaskaia, Dawan mita prapitku wisata minitkumirasin lukaia apiasa warkba takaskaia. Sakuna waihlala nani mita taibi muniba taka kau aipurara trabil bribalaia apia wisi takaskaia lukikan. Dawan witin nani aitabrianba uba kasak luki banhwaskan mawan ingnika ainakrani kaikras wisi. Wark kau dauki aitauro waiaba namhpara luki banhwikan Dawan karnika yabia apia lukan. Diara bahki lupia takikan pyuara mahka aininara taki banhwikan." — *The SDA Bible Commentary [E. G. White Comments]*, vol. 4, p. 1175.

- b. Nahki wan nakrara painkira kaikisa tasba dukia naniba? *Hageo 1:5-10.*

"Prapit Hageo pyuara Israel luhpia nani ailal presant Dawan ra yabaia kataba takaskan priaswatla makikan pyuara sakuna witin nani purara dia klala balanba lisin tarakumsa yawan nanira. Ju nani aitani lukan priaswatla makaiaaba sakuna waihlala nani aimapara buan taka takaski banhwana." — *Patriarchs and Prophets*, p. 527..

- c. Nahki baksakan nani ailukankara an aidaukankara puraluan? *Hageo 1:12, 13.*

"Israel luhpia nani tilara mawal barakan witin nani Dawan ra kasak luki banhwikan an wark takaskaia lukanka apukan. Bara nanara kiama aubanka kataba tabaikanka sturkak baku brihiakawan kata bara naku aisi banhwana. 'Dawan lika rait kupia pihnikira palisa'." — *SDA Bible Commentary [E.G.White Comments]*, vol. 4, p. 1176.



5. PAINKIRA TNATKA WALARA

- a. Aisas Dawan lukikanba tempel wala makbia dukiara? Hageo 2:6-9.

"King Salaman makan tempelka lika Nibiurkarnisan mita sauhki tikan kata, ninkara wala makan kata Jisas kau aisubitakras kaina mani nani dusa matsip (500) pitkara israel luhpia nani alba lakawina klialtawan pyuara, bataim Jerusalem lika untabamakan upla iuras. Alba lakawina klial tawan tilara almuk kum kum kau pruras kan witin nani Salaman tempelka kataba ainakrani kaikankan, naha almuka nani aibila tarawal ini banhwan kata, witin nani lukan Salaman makan satka lika kabia apia tempel raia makaikanba. Hageo 2:3; Esdras 3:12 ra Prapit aisankanba baha dukiara: 'Man nani ya kaikram kanki tempelwatla paskataba? An nanara nahki kaikisma? Sakuna naha raiana kau tara kulkanka yaban kabiasa.

"Ao, King Salaman telpel makan kataba lika painkira palikan gûl dukia manaswal diara ailal paskan kata bilarakanba, bansakuna naha walana walsip prakraskan tankaba lika Jisas pali baldiman naha tempelka watla bilara. Maki danhtakan pyuara hevenwina pauta kauhraskan sakripais barakataba ankaia dukiara tempel watla paskataba baku, klaut pihnisin tempelka watlara bilara kaikraskan Moses pyuara kataba baku. Tempelka watla Kau holi pliskara ensal wal gûl ni paskan bara kataba bara Dawan Lâ ka Matawalsip walpa tanhta walra ulban kataba apukan. Heven wina bila baikira kumisin aisaraskan.

"Mani ailal Jû nani aisikan nahki prapit Hageo aisanka sturka nani aimanba dukiara; sakuna aiprautka laka an kasak lukraskan taka aisinska nakra nani blain bakukan prapit ulbanka tanka raitba briraskan. Tempel watla wal ba makan pyuara heven wina klautkum baliuraskan sakuna Jisas witin pali baldiman aiwina tarara. Witinka palisika Moses ra aisankanba an marikan tempel watlakum makbia dukiara patranka hevenra baraba baku. Nanara sin Jisas ka upla tnatkara tasbara balan pyuara tempel watla walba bilara dimiwan. Baha takamita aisisa tempel walba kautara wihki paskatabawal." — *The Great Controversy*, pp. 23, 24.



MAKABANKA LUAN NANI BA LAKI KAIKS

1. Taim saura aulabara nahki Dawan mihtara wark yamni daukaia sipsna?
2. Bawikira lakaba nahki Dawan mita tarakulkisa naiwa laspyuara?
3. Dawan kupia baiwankawina swakwan naniba nahkisa aidaukankara?
4. Trabil aulaba dukiara uba lukisna kaka dia sipsa ayatiwaia?
5. Prapit Hageo pyuara tempel watla makanba nahki isi an painikiran?



LAS PYUARA DIARA TAKAIA NANIBA

WANKUPIARA BRIAIA: "Dawan ra makas li blikbia li auhaia pyuara bara witin li ailal blikankabia, baku lika inma ailal sat sat paubia namsla bilara. *Zakaraia 10:1.*

"Dawan Spiritka Holikiraba makabia pyuara, wan raiaka aiska satwala daukan kabia sinslaka an karnika wankbia Dawan mawan ingnikabara iwaia yu banira. Diara kumi daukaiba lika wanpura suni makabaia."—*Testimonies to Ministers*, p. 509.

Kau aisikaikaia: *Prophets and Kings*, pp. 580–592;
Testimonies to Ministers, pp. 506–512;
The Acts of the Apostles, pp. 47–56.

Sandi

Kakamuk kati 15

Baibil aisikaikaia ba: *Job 5-8*

1. NAKRA YULA

- a. Hageo aisan sturkaba nahki Zakaria tabaikan? *Zakaria 1:1–4, 15, 16.*

"Prapit Hageo mita aikupia aiskawal israel luhpia nanira biktakikan an tabaikanka bila aisikan nanisutba Prapit Zakaraia mita tabaikikan, Dawan mita Zakaraia ra prapit warkka yaban Hageo wal asla warktakbia dukiara Israel luhpia nanira tabaikaia tempel watla makbia dukiara. Zakaraia stiripas aisanba lika Dawan bila aisanka nani kasakba dukiara aisan."—*Prophets and Kings*, p. 576.

- b. Nahki wanmarikisa Dawan aiuplika nani mainkaikiba? *Zakaraia 2:1–5, 8*

"Dawan mita adaryaban king Nibiukarnisan mita Jerusalem sauhkanba kli makbia; prapit Zakaraia ra visan marikan heven Dawanka mita karnika an maihsanihkra yabaia pramistakanba kasakkira nani dakni sirpikum tihmia an kaknara aipura suni bahwikan nanira. Dawan mita Jerusalem kaupinka aiskara pauta klahwan baku main kaiki kabia. Aimawan ingnikaba marikankabia an tasbara nisan wala nanisut israel nanibara kakaira takan kabiasa."—*Ibid.*, p. 581.



2. JISAS RA YAWAN NITBA

- a. Yu banira wan swapnika ailal tilarasa kuna, bilakaikanka tara briba diawal prakansa? *Zakariaas* 3:1-4.

"Prapit Zakarias visan ra kaikan, Dawan ensalka mihta aihkikara setan buikan, Prisiwhta Jashua ra dusakuhbaia dukiara kan Jashuaba kwalaa taski dimikan an Dawan ensalka mita witinra li klinwal tahbia wantapiakan. Naha lika prakanka kumsa setan nahki warktakiba uplara sauhkaia Dawan mita witinra bribalaia traikaiki nanira. "— *Thoughts From the Mount of Blessing*, pp. 116, 117.

"Setan mita uplara wisa: 'Man saurkamba uba tara an taskipalisa Dawan holikira mawanra, nahkijat puram sunmasin maiwalbia apia padin maimunbia apia blismainunbia apia an swakisin maisakbia apia'. Yawan selp wanwinara kaikisa pyuara swapni laka baman, Dawan mawanra diara yamni daukras, bara setan wanwisa: 'Nahkijat traikaikmasin sip swakma apia; daukankam saura wahraba sip wapnira mankma apia'. Dawan ra wanpura sunaia traikaikisa pyuara setan wanlamara bal wanwisa: 'Bahkira traikaikpara, Dawan nakrawina lika swakma apia witin sut maikaikisa an mansin pain nusi daukram bara padin apu. Sakuna man mita setanra wis: 'Jisas talia karnika brisa klin aidaukaia' 1 Jan 1:7. Wan raiakara saurka barasa pyuara wanpura sunaiaba nitpalisa." — *Ibid.*, p. 115.

- b. Dia sikritka Baibil wanwisa saurka mapara puraluwaia an wark wankanba daukaia? *Zakariaa* 4:6; *Jan* 15:5.

"Prapit Zakariaas 4:6 bara ulbansa yawan kristian baku rait aihwa hevenra waia lukisa kaka tasba uplika idan nani tnatka an daukanka nani nina blikaia apiasa. Dawan mita lulki wanswiras nahkijat trabil tilarakabiasin karnika wankisa "— *Testimonies for the Church*, vol. 7, p. 90.

"Spirit Holikira mihtara yawan yu banira aimaki kaiasa, nahki sat kristian almuk kabiasin minitkumira yakan sipapiasa waihlâ mapara aiklabaia. Baibil stadi takikabiasin Spirit Holikira mita wansinskara ingnika wankras kaka sip wantanka kasak aiskasut bribia apia. Dawan Lâ ka holikiraba sipsa wansinskara brikaia sakuna Spirit Holikira mita baman sipsa karnika wankaia bahara iwaia, bara wan daukanka naniba satwala takan kaia."— *Christ's Object Lessons*, pp. 410, 411.

"Spirit Holikira ba lika heven presantka tarapalisa: sinslaka, karnika wankisa diara kasakbara wanbrihwisa, heven tanka tihuka naniba wankan tanka kasak brisa."— *Ibid.*, p. 419.



3. TEMPEL SATWALA

- a. Aisas tempel kaun pain makbiaba an ya makbia? *Zakariaas* 6:12, 13, 15; *Epesu* 2:19-22.

"Jisas bapankara apastel nani mita Dawan sertska makan naha tasbara. Baibil ulbanka nanira wan aisisa Dawan sertska makabaiaba lika patrankum bakusa. Sakuna prapit Zakariaas lika Jisas dukiara aisisa witin balbia pyuara Dawan tempelka watla makankabiaba dukiara. An gentail nani helpmunan kabiaba warkba daukaia: baha nani wihkaraba balbia an tempelba makan kabiasa; prapit Aiseya aisan: Upla tringsar luhpia nani tawan kaupinkaba makan kabiasa. *Zakariaas* 4:12,15; *Aiseya* 60:10.

"Tempel makaia dukiara apastel Pita aisan: 'Kaisa witin ailamara balaia, raiakaia walpaiaba, upla mita lika bahki kulkan, Dawan nakrara lika painkira baksakansa, man nani walpa raiakum baku spirit watla baku yas maipaskbia, holi priska kaia an sakripais yamni daukaia Jisas ku. 1 Pita 2:4,5

"Apastel nani walpa klaki bribalan Jû uplika an gentail nani winasin bara priaswatla plamaikara bapan. — *The Acts of the Apostles*, pp. 595, 596.

- b. Dawan mita kaina manas kupia kraukan kata. Israel luhpia nani dia daukan kau alba brihwaras kainara? *Zakariaa* 7:8-14.
- c. Dawan mita kaina manas kupia kraukan kata. Israel luhpia nani dia daukan kau alba brihwaras kainara? *Zakariaa* 7:8-14.

"Israel luhpia nanik Dawan aikarnika bara ailatwanka marikan bakusin brindaukikan tasbara iwi uplika nani aiskara nesansutra ai ninaba yaka mayunan kaia. Mani ailal babilan tawankara alba lakarakan, baha pyuara aitanikaan aidarawali banhwaia an Dawan ra kulkanka yabaia. Manas lantakan kan bilawalaia trabil nani ailal tilara, baha nani lika israel kiamka rait aihwa baku kulkanka yaban. — *Prophets and Kings*, p. 599.

"Prapit Zakariaas 8:3,7,8 ra aisisa, nahara Dawan pramis munanba ya aibila wali nanira yabaia. Kau alba lakara brihwaraskanra saurka daukikan naniba kli daukaia apiasa. — *Ibid*, p. 704.



4. RES TAKAIA NITKA

- a. Naiwa las pyuara iwinara diapaliba smalkaia nitsa, dia muni? Zakarias 10:1, 2.

"Serts membarska baku Dawan wal aslaiuras kaka airaiakara pawankaa bribia apia spirit lainkara, an witin ridiopia kabia Jisas aimawalra tasbara aulabarawal prawaia. — *The Acts of the Apostles*, p. 55.

"Dawan ra makas li blikbia naiwa laspyuara, baha lika Spirit Holikira wal prakansa. Nahki naiwa warktakismaba aitani lukpara, Spirit Holikira karnika makas. Dus mâ pain tilwaiaba lika insla dawanka mihtara apiasa. Dawan baman karnika brisa yaka pain tilwaia. Sakuna Dawan brindaukisa yawanwal asla warktakaia. Kan upla wansinska lukrawal ao takisa, bakusin kasak lukisa, Dawan mita taibiwanmunras dia yawan daukaiaba. Wankupia aiska an wan raiaka aisa Spirit Holikira mihtara aimakaiasa witin wantabribia wantsa kaka. Taim bribanira wan uplika walara helpmunaiasa baku lika blisingkum yawan brinkabia. Jisas naku aisan: 'Anira wal ar yumhpa yang ninira aslatakisa pyuara maiwan ingnikaba barakabiasa. Kuntri aiska bilara serts nani aslatakisa pyuara, ar wahma tiara aslatakanka nanira, sol wenmunaia warkka takibara Spirit Holikira blikan kabia.

"Bansakuna yawan lukaia apiasa prias dimibawal baman aitanisa ar kamprens nanira wibawal baman wan warkka daukisa. Kan prias dimaia baman ar aslatakanka tara kuntribilara dauki nanibawal bamanra waiaba aitani apiasa. Dawan mita ai Spiritka Holikiraba yabia apia kamprensra uplasut balan nanira. Yawan wanpurasuni makabikaiasa Dawan ai Spiritka Holikiraba blikbia sakuna upla kupia naniba witin kaikisa sut rait ridisa sapa airaiaka aiska warktakaia — *Testimonies to Ministers*, pp. 508, 509.

- b. Aisas Dawan aikarnika marikbia pyuara diatakbiaba? *Zakarias* 12:8.

"Dus ai mâ sakras nani klakan kabia bahkiman tasba yusmuniba, serts bilara membars ainina baman brinaniba sut param takbia, sakuna serts bilara membars dakni sirpikum upla mita bahki kulki naniba klertakbia bara witin nani mita Jisas plakinkaba purara bukankabia. Nikudimus kataba baku upla ailal barasa sibrisa wantilara baldimaia ao aikupia aiskawal Jisas ra kasak lukisa witin nanira karnika yabia sibriaia apia spiritka. Tnata pyuara trabil saura kristian nani purara sin tihmia tara baku balbia pyuara rait kristianka naniba slilma ingniba baku kabia. — *Testimonies for the Church*, vol. 5, p. 81.



5. JISAS BANKAIARA

- a. Swaktakan nanai mita Jisas ra dia makabi walaan kabia? *Zakariaas* 13:6.

"Heven ra swaktakan nani wabia pyuara Jisas ai mihtara insauhkan markkaba marikbia, baha markka nani lika bankaiara ban Jisas brikabia. Kan upla saurka laka albikawina swaki sakaia dukiara airaiaka pali dusprignira manatara aibapanba sainka."— *Early Writings*, p. 179.

- b. Ahkia an nahki Jisas Olivit ilkara baliubia an dia takbia baha pyuara? *Zakariaas* 14:4, 5; *Param marikan* 20:7, 12; 21:2, 10.

"Heven ensalka kum naku aiwisata: 'Jerusalen rayaba holikirabara swaktakan nanai resbribia bara king an pris aimakbia mani tausin kum; ninkara Jisas tasbara balbia swaktakan nani aikuki Olivit ilkara aimina taibia bara twi takbia bahara Jerusalem bal takaskan kabia.'"— *Ibid.*, pp. 51, 52.

"Tausin maniba alkbia pyuara, Jisas baliwankabia ai tawanka holikirabawal, aikwalkaba lika ingnipalikabia imiula lipan ingnika baku, Olivit ilkara baliubia sin baha ilkawina buan ninkara hevenra wasataba. Jisas mina Olivit ilkara kanbia pyuara baiwan kabia an twilangni painkira takbia, bahara Jerusalem rayaba baltakaskan kabia. Eden kiadinka bribalan kabia Adam kau saurkara kauhraskantaim watla kataba. Swaktakan nanisut Jisas wal baliubia. Jisas an ensalka nani aikuki tawan bilabawina takbia bara Jisas aibila baikra tara alwani bakuwal winankabia saura dadaukra nani pruanba kli bubia dukiara. Baha minitkara upla saurakira nani setan bilawalikan naniba sut airaitikawina buankabia tausin maniba luan ninkara. Diara aihka tringsar aidara wali banhbia."— *Spiritual Gifts*, vol. 3, p. 83.



MAKABANKA LUAN NANI BA LAKI KAIKS

1. Dawan nahki nahki kaini kahbiba ahkia yang dairiwalrisaki?
2. Setan mita saurki naniba maiwanra bribali pyuara nahki buwaiasna?
3. Diaba Dawan kau yamni kaikisa priaswatlakum purkara?
4. Aisas diapaliba yawan kau nitsa naiwa Spirit Holikira briaia?
5. Ahkia kli Jisas aiminaba Olivit ilkara taibia?



MALAKAI LAS WINANKA DAUKANBA

WANKUPIARA BRIAIA: "Lahla pihni pautara anki pain dadaukra baku aipliskara iubia, bara Libait kiamkara, klin daukbia lahla pihni an pauniwal ankiba baku, Dawan ra present pain bribalbia dukiara." *Malakai* 3:3.

"Saura dadaukra nanira kupiakraukan la tara yua aulaba dukiara baha pyuara Dawan mita klala baman yabia apia sakuna sauhki tikan kabia Lâ krakrikra nanisutra. Bansakuna uplasutra bilakaikanka yaban prapit Malakai ulbankabak kau baha pyua balras kainara Dawan wal wapni takbia dukiara."— *Prophets and Kings*, p. 706.

Kau aisikaikaia: *Prophets and Kings*, pp. 702–721;

Testimonies for the Church, vol. 7, pp. 45–50.

Sandi

Kakamuk kati 22



Baibil aisikaikaia ba: *Job* 34-37

1. SWAKWANKA AILAL AIMA MANAS WANSINSKA MANKRASBA

- a. Wanwinakat kaikiba taka nahki patkira wankulkan kabia? *Malakai* 1:8.

"Kristian ailal ailalhka ba diara bahkiranman yusmunisa, dis ainakra an aibila brinka nina bliki; piaia, diaia, kwala dimaiara man lukisa, Dawan warkkara aisinska mankras, matawalsip manakatsin praiskat mankras, Dawan albika nani lika ainitka nani ailal brisa kan manapain aibaprasba takamita. Dawan ensalka naku aisan: 'Tiskupali warktakaia taimkaba luankabia. Aiwarekka daukibawal marikisa 'aiwinatarakat baman kaikisa aidulkum baku', dia winatara brinkaba lihkisa. Manasra kupia kraukanka yaban sakuna walras."— *Testimonies for the Church*, vol. 1, p. 115

- b. Naiwa tasba uplika nani mita marit lakara kulkanka yabras, sakuna Daawan nakrara marit lakara nahki kaikisa? *Malakai* 2:12-16; *Hibru nanira* 13:4; *Matyu* 19:4-6.

"Traikaiki banhwibas pan pana lilia kaia. Latwan lakaba tilamrakaiasa, wihkabilakaikanka lakasin. Baku lika marit lakara latwanka baraba danhtakbia apia kauban rayataki kabia." — *The Ministry of Healing*, p. 360.

2. DAWAN KLIN DAUKIBA WARKKA

- a. Aisas prapit Malakai aisanka aimakanba dukiara? *Malakai 3:1-3; Jan 2:13-16*

"Jerusalem ra Jisas tempel watla klin munatabawal marikan witin Mesaiaba tanka. Tempel watla yarka bilara lika upla ailal aipaswikan markit kum baku daiwan sat sat atki bahwikan lukanka kasak lika apu dis saurka lakara baman tniwikan implikan an taiban laka tara barakan. Jisas baha tempelka yarkara baldiman bara klin daukan kata an kanbisakan uplika nani watawi lakara bahara diara daukikan naniba sutra. Nahara wanmarikisa Jisas wankupia klindaukiba."—*The Desire of Ages*, p. 161.

"Dawan brindaukisa aiwarkka tatakra naniba wansinska nahki warktakiba tanka. Aimamanasra wanpurara trabil nani balibawal pauta baku anki an klin wandaukisa wan raiakara taski bara nanibawina.

"Dawan mita aiuplika nanira klindaukaia warkka taraba lika diara kasak an painkira palisa sakuna wankan pautak luwisa, kan baku baman sipsa wan raiakara taski laka watawi nani barabawina sut ankitikan kaia bara lahla pauni baku ingni painkira takbia manakira dukiakum baku. Nanara trabil sirpi nani wanpurara baliba sip stanmunras kaka naika trabil kau tara balbia pyuara sipapia kabia bapibuwaia. Diara ailal wankantani briba mita lika kristian wannina brisa kaka nahki kabia tisku wan prapatika nani sut swiaia kabia taimkara." *Testimonies for the Church*, vol. 4, p. 85.

- b. Aisas nahki Dawan mita aiuplika nanira kiama aubisa, an nahki upla mita Dawan ra implikisa? *Malakai 3:5-8; James 1:27; Luk 12:15; Sinslaka 3:9,10.*

"Wan kukanka naniba Dawan mita wankisa an aiwarkkara tabaikaia, diara kumi mitasin wankrika matawalsip mana an wan presantka naniba implikaia apia. Heven suliarika naniba aisinska, aikarnika an aikukanka nanisutba yusmunisa Dawan warkkara tabaikaia an aiuplika wala nanira helpmunaia. Naha warkka purara kau wala apusa, sip yawan srinwaia apiasa. Selp wanwinakat baman lika kaikikaia apia, Dawan dukiaba yabaia an wanwalkara helpmunaiasa. Kristian ailal heven dukia prana painkiraba brindaukras tasbara ainakra kaikisa bahki luwiwaikira dukia nanibara. Dawan blisingka wankbia wantsa kaka sip wanwinakat baman kaikaia apiasa. Spirit Holikira mihtara aimakaia sinslaka an karnika wankbia heven tanka tihuka nutakaia an tasba dukia bahki nanibara kulkanka yabaia apia." — *Ibid*, vol. 5, pp. 271, 272.



3. WAN STURKA SUT ENSAL ULBIBA

- a. Matawalsip mana an wan presantka nani bribaliba taka dia blisinka yawan brisa, dia muni yawan alkitakaskaia apiasa? *Malaquías 3:10-12*.

"Upla pruan bikaiara helpmunaiaba saura apia sakuna kau kanra yamnisa kau pruras nanira helpmunaiaba. Uplakum pat pruanba nahkisat kapin manakirara mankbiasin witinra helpkumisin apu. Baha mita wan uplikakum pruaia pyuara tnatka isira bikaiasa. Diara walaba prapati ailal bri uplika siknis wihra taibi pyuara Dawan warkkara ailal tabaikaia, baku daukras pyuara upla bahki kukankaba brisa bank nanisin ban gridikira plikisa kukanka briaia.

"Dawan warkkara tabaikaia lukanka brismasa kaka, mahka dauks, setan ra chans yapara mai alki takasbia ban diarawala bahki nani sinskamra dinkbia. Aima manas Dawan Spiritka Holikiraba wan aisisa Dawan mita kukanka nani blissing wankanba tankakat kasak an wapni brih wakbia an Dawan warkkara tabaikbia, sakuna setan ensalka nani mita lukan satwala wansinskara bribalisa ao kaikraskaka lika pain bakusa sakuna kunin bamansa." —*Testimonies for the Church*, vol. 5, p. 154.

- b. Dia wan watawanka sturka naniba yawan wantkabia dikisakbia? *Smasmalkra 12:14; Aiseya 65:6, 7*.

-
- c. Dawan aiuplika nina naniba raiakaia bukkara ulbansa, an warkka yamni naniba dukiara diawisa? *Malakai 3:16; Lawana nani 56:8*.
-

"Yawan kumi bani dia daukiba heven bukkara ulbisa, wark yamni nani daukiba Dawan ra mayunra yabaia pliki nani kumi bani nina naniba. *Malakai 3:16* ra ulbansa. Sturi kasak aisan naniba, latwan lakawal aiuplika walara helpmunanba nanisut heven bukkara ulbansa kumisin banswin luras. Nihimayas naha dukiara aisi naku wisata: 'Dawan ki kupiam kraukibas yang dukira an wark yamni nani daukri naniba ban diki sakpara bukkam wina. Nihimaya *13:14* ra ulbansa. Heven bukkara wark yamni nani aiuplika daukan dukia naniba ulbansa. Bakusin traika kaikan nanira nahki ban bapi buanba, nahki sturi swapni tankira aisikan naniba. Sakripais ailal takan naniba Dawan bila wawalra painkaia kau kanra bitar kaia dukiara.'" —*The Great Controversy*, p. 481.



4. KASAKKA PARAM MARIKAN

- a. Nahki Dawan mita aiuplika kasakkira nanira yamni kaikisa, baha liliaka nahki wan walkara marikaia? *Malakai 3:17; Matyu 25:34-40.*

"Kristian baku wan uplika wala nani swapni takisa an latwan wahwisa pyuara tabaiki an bilakaikanka yabisa an ai nitka naniba yabisa, kwala luhla nanira tringsar utla apu nanira paiwi wan watlara yaka dimaia. Bahasat watla bilara heven ensalka nani lihkisa bal takaski kaia an titanra bara tutnira prias daukisa pyuara yawan aikukisa. Dawan Aisa an Jisash even wina wankaikisa an liliatakisa wan uplika walara helpmuniba dukiara."— *Testimonies for the Church*, vol. 2, p. 25.

- b. Nahki yawan nusa saura dadaukra an kasakkira naniba walsut tisku pali kler takan kabiaba? *Malakai 3:18; Param marikan 22:11, 12.*

"Saurka dimras tasbaia nanira kler aisisa Dawan kasakka laka. *Lawana nani 50:6.* Saina ilkawina alwani an imyula tilak Dawan aisan an ai Lâ kaba Moses ra ulbi yaban selp aimihtawal pauta klahwan bakuwal naha laka uplasut dukiara. Yawan upla wan daukanka nanibasut wapnira brihwabia dukiara. Dawan aisanka bila naniba sut kler palisa uplasut sipsa aisikaikaia. Wansinskara ingni daukisa, kasak lukras ban tihmia lakara tauki naniba sut yaban aitanka brisa, Lâ Matawalsipba kunhku palisa sakuna bahara asla daukansa diarasut Dawan makabiba tasbara iwi uplika nanira.

"Dawan Lâ ka holikira krakrikra nani purara trabil tara aulaba lika saurapali kabia sip aisi tnatamankaia apusa. Dawan ai Lâ ka uplasut dukiara yaban sakuna setan mita uplara kunin munan taka bahki kulki aiminara taibisa. Dawan ailatwanka lakara taim yaban aikupia lakbia wisi an smasmalkra bakusin pasin nani blikan smalkaia. Sakuna tasbara iwi uplika nani tnatka nina bliko Dawan Lâ ka holikiraba saitra swin diara bahkikum baku. Baman sin apia sakuna kristian kasak nanira taibi munisa Dawan sabatkara kulkaia apia." — *Selected Messages*, bk. 2, p. 20.

"Uba letra aidarawali banhbia smasmalkra an pasin kuninkira nani nina bliko Dawan sabatka krikikan an aidul mayuni dahnika nina blikikanba. Dawan mapara buikanba lasra aidara walbia sakuna taim apukabia aikupia lakaia, nanara Dawan klalka aipurara aulaba bribia an prura bankaia pahatakara lakan kabia." — *The Great Controversy*, pp. 639, 640.

5. LAS ULBANKA SAPTA

- a. Upla saura dadaukra naniba nahki takaskan kabiaba dukiara aisas
Malakai 4:1-3.

- b. Dia las winanka Dawan daukisa aiprapitka nanik? *Malakai 4:5, 6.*

"Tasba brinka naniba bakusin selp wanwinakat baman kaikiba mita Dawan wina wihkara wanbrihwisa. Dawan bila kasakka smalkanka naniba mapara buisa. Dawan wedniska kasakba lika saurka mapara karna aisabia bara sin amarkum baku upla lukanka karnaba krian kabia, pauta bakau anki tikan kabia diara taski nani baraba. Naiwa pyuara wan smalkanka naniba karna kaiasa kristian nani kiama aubaia an kupia kraukaia trabil tara aulaba dukiara Alaias baku."— *Testimonies for the Church, vol. 5, p. 254.*

"Utlabilara aisa an yapti nani Dawan Lâ kara kasak aikupia aiskawal kulkanka yabisa kaka baha watlabila tuktika nani sipkabia lantakan kaia an witin nanisin kulkaia. Utlabilawina takrikaiaasa bawina serts bilarasin baku pasin an smasmalkra nanisut kasak wapni aidaukanka, aiwapanka naniwal marikan kaiasa. Naha tasbara Dawan Lâ ka krakrikra nani purara trabil tara aulabawina swakwaiasa kaka. Dawan bila kasakba wan watlabilara tankira latwan lakawal wan tuktika nanira smalkaiasa. An wan iwanka, wan daukanka, wan aisanka nanira marikan kaiasa. Aisa an yapti man nani pamhpaarasas Dawan mita siplupia maikanba main kaikaia, plun dakakaia, sakuna diaraku taraba lika Dawan sibrinkara pakaia. Titanra an tutnira utlabilara lulam kiki puram sunikaiasma yarka ban daiwan wail baku paubiaras ia."— *Patriarchs and Prophets, p. 143.*

"Kristian kasak watla bilaba ingnika painkira kumsa lamara iwi uplika nanira an tawan bilarasin baku. Gaspel sturka yamni smalkankara karnika tara yabisa kan wan daukanka, wan iwanka naniba kau tarasa wihki wan smalkanka nani purkara, wan mapara aisi nanirasin bila prakisa sip diara aisaia apusa."— *Ibid., p. 144.*

MAKABANKA LUAN NANI BA LAKI KAIKS

1. Nahki yang mita marit lakara kulkanka tara yabaiasna?
2. Yang raiaki palira nahki kaikisna Dawan mita klin aidaukiba tanka?
3. Heven ra buk satka yumhpa dukiara aisiba ani bahkisa?
4. Nahki yang daukankiwal heven ensalka nanira lilia daukaiaasna?
5. Naiwa las yuara smalkanka kau karnaba diasas ki?

Pas Sabat presanka



Sabat, Siakwa kati 3, 2026

Siguatpeque, Handuras ra
apis makaia bakusin
aslatakaia pliska, misaniry
skulka watla makaia helpka.

Wahia 4 ra kaiks



Sabat, Kuswa kati 7, 2026

Yiniral Kampris upla helpkara
wark daukiba: prari, tasba
nikban lisamra mita diara
sauhka uplikka nanira helpka.

Wahia 30 ra kaiks



Sabat, Kakamuk kati 7, 2026

Maranhau Piawi AMAPI
Apis makaia Brasil kuntrikara
Aslatakaia pliska, yapaia pliska
Sin baku

Wahia 51 ra kaiks